


蛟山集

許筠手澤本

單







Cargen

尺牘

與黃芝川

當今之世建旗鼓登騷壇者非罔下伊誰歟奈史議不能
捨使虎眉猿臂久闕封侯之賞而當執鞭耳者乃反棹鞅靡
墨吁亦命也辱惠佳章獎誦過情其惜才悼屈之念津津於言
表不敢當不敢當之郡甚迫不能歷拜春來因省墓抵洛則
當委拜門下以慰言

朱太史之畫得罔下詩而益重不佞居然得二寶此行侈矣
九頓首于秋涼仰祈若玉

與五峯

拜奉佳什如獲拱璧此行信富矣當刻之琬琰以傳不朽

與柳西垌

左右與家兄義叔及洪太古共轡詞林而二人已化異物公獨持文枿立
赤幟於執苑無敢當其旗鼓鳴行頓刃豈不盛哉聞方選東詩云幸
以亡兄之作多載之其中敢以刻本一帙呈上希台諒

見南面言亡兄詩則入選甚少而婢氏則稍多云昔容翁選東父濯
纓之文挹翠之詩所取甚多至今為執林美談今不能然母奪就他
人議否亡兄七言歌行最妙而無一篇收入者此尤不可曉也幸惟更加
衡尺俾勿令滄海遺珠也

與李月沙

聞水曹有缺此素閑送可嬉之職也古詩人在水曹者如何遜杜甫張籍
蘓軾是已僕雖不逮四子者亦一時僥竊詩名而左右所膏獎借者今
遠持衡可拚就此事令四君拍掌冥中幸甚

生出牢戶謫命方促不得握手以辭何恨如之鼎翰珍劑辱以贖之厚

情可掬無以昂喻當對訊之日讀背屢引公名此危迫疾呼之所使
然非敢誣公中間當舌不少僅豈陷人者亦豈為人所嗾乎此舉世
之淺知僕也尚何尤哉公以為同罪之人尚保冠冕云者鮮亦過矣不
佞之猶子中而明公之外舅屈可謂之罪某耶要之久而自白不敢隱

與申玄翁

春詠百篇壯人雅士所不道不合以示人也乃敢溷清眊耶顏丈夫美
居直欲付犁舌獄也既以無可奈何敢以呈覽必嘔穢之以為不祥
也慙不能舉顏

辱製佳叙以惠獎誦過情非不佞所敢當也然不敢以不佞故而掩
閣下之明鑒即載之首簡先價頓增知我之恩典生我者無殊蓋以
結草為期

羅州西南大藩也不佞昔親履之以為官止此牧則可以已也今遠有

窠而月沙當銓此千載一時閣下其以薦之欲拂此為南返計也
牢狴中屢奉冰刺未知史遷蚕室之日董江都倪大夫輩亦肯來
存否事絕千古得因為幸追以道書昇之歛不佞藉此為上天掇非
情之至安得有此古之英雄不為將相則為神仙不佞於將相之業已素
與羨門安期共逍遙也亦是樂乎江南千里不獲拜晤臨楮鳴咽

與韓柳泉

海陽之會敢不樂赴但腐使在礙於參見明公其可否之人或譏不佞此
行為瀟湘之達此足可避也亦不必足避也丈夫生世韶華如電一躍足以敵
萬鍾苟得其樂則詈者千人奚能動吾一毛孔乎況不必害於義否明公
方食見之則必噴飯滿案也

明公到龍城得奇大食云其味比海陽小食如何耶不佞送明公出郭孤
坐鳳笙亭上孤煙暮竹寒吹動幃引領東睇大野蒼然杳不覩麾蓋之

色他鄉別故知古所共嘆不意今親見之想同此懷石強飯自玉

清年爲軍家兄已與弟停當安行不孤明公之望此國事也安敢靳執
乎外寇不至乃可安粒食若有警急則如京之粟焉得輸諸海以救京師
耶思之爛熟不必再勤盛教也但恐統舟師者有所乾沒耳旁有人問公
善飯領誠爲可

與崔汾陰

舊都一夜話不足慰數年契濶矣回眺月城凝望之情與凍雲共黯黯
耳隔女垣見滿月金煙對蒼然不能賦斜陽斜雨之句自愧江郎才盡也
晚到臨津長冰塞川而寒雪滿葦山嶺然有兔園之興想天上瓊樓玉宇
高處不勝寒矣倘公爲我賦之

古今謗毀之來雖賢聖亦所不免也盜嫂槌婦翁何損於陳孺子第五
伯魚耶公自消之膏中願毋與鬼較而牛馬爭其力也燒蘭煮茶自談

其馨九重亦已洞照矣事自在即其勉出以副虛佇耿望、
三日雨不能攻祝融企脚吐曲下詠陶詩數篇清風自至愴然有天際
真人想耳公當炙手之日能以蒲葵却赭汗耶想多費心力此時拙者
勝矣

午景當空忽得翰教涼颼颼如爽我煩襟也司成之擬其欲洗佞佛之譏
乎此自甘心何勞講之千金買幣帚足以自娛厭向京師貴人在好面孔
公聞之必曰狂奴故態茲也方輒革讀羯鼓譜未訖草潦思

昨所上千律寔於押韻傷其佳境不足存也其令覆瓿可矣吾欲縮身印
六年治帶方州為方丈上仙雖以公天官冢宰無之吾不欲授也其幸而之
約初賦玉樓千古長恨公亦同此勸否挽詩一章自謂盡其人之終始兄亦
和之以慰死者為幸

僕宦情如秋雲薄西風一起不禁季鷹之思得一州以糊口則敵萬戶侯

封矣公乃靳之耶公怜之一念可質上蒼而未克不知時愛令智昏
否功名未入手壯志已衰局促轉下駒徘徊於棧豆間豈不悲哉窮
達自有分而天亦不可料丈夫圖棺事畢公視吾舌尚在否母欲以
韁鎖施於大壑龍性固難馴矣

銀州吾先人所莅也小子敢不樂赴邪但小子於先大夫母能為後倘
少不稱則辱先訓多矣吾固不欲也加林在海上地僻有魚鱉之饒
切欲得之聞與公州一時差除云彼孔道而無蟹且有監州勿舉吾
名如何地位相逼恐為爭加林者所推之故德耳

加林不入手而反以公山麾之此亦命也何咎公為僕之仕為貧保妻子
先飢寒是矣他尚何言然亦敢嫚遊廢事以負公薦用也金署訖
當往慰言以既寒霄寂寒斟雪水以煮新茶火滑泉甘此味與醒醒
上尊無異公豈知此味乎

初來時諫官有以牒不合劇為言欲投劄而未果及到州晨理十萬家訟夜燃青藜杖讀一部左氏此自舉漢吏故典而又不廢千古盛事此言者謂吾軍無益於世者亦云罔矣公必軒渠

與崔簡易

賜和芝川詩奇杰深重又以數字未妥屏改以示不佞如入波斯肆中目眩於縣蔡火齊未知孰為瓌寶也姑兩存之且以見左右慎於為文不備

世人不知文者誤卑公詩此太憤之公文雖悍杰亦從班掾昌黎中來也詩則本無師承自初為格意淵詁集非切摩群律採掇花卉者所可企及吾以公詩為勝於文未知公印可否

與鄭寒岡

修村志回村老云衙典房東門倉羽溪廂房皆羅時令許公所建令

人遠想慨然

志之凡例欲据田汝成西湖志閣下不欲之矣哉地里僻宇土產聞命矣以志餘在其事吾自用吾法慎毋過如何

久不陪杖屨斗望逾切江陵志當有刊落者或添入者幸於金子之回付來企凡記事核而不畧詳而不誣可以傳後也此書出於萊俚而不侮之史才省妄見安能合人目也更加草思則或賢於前故樓之不止

古人言借書常遲遲之遲者指一二年也史綱之借上星紀將易幸擲還為望鄙生亦絕志仕宦太晚江陵欲資以此敵困也敢白

與金南憲

世家文獻之作寔僭妄也翁不以為疑乃獎其博雅且愧且感付籤處一為翁改竄庶不負藥石也容一述以既

敦寧之擬舍兄已諾矣賤紙十帖呈似案下為不佞寫黃庭經任少卿

書洛神賦武鑿檄秋與八首襄陽歌豐樂亭記赤壁二賦以忠則驪珠八
把當炤目絢夜矣勤祝

驪江之除舍兄惜其屈於敦寧也某何力焉十帖書精楷入鈔再拜以受無
白鵝以酬左軍為大恨耳謹攢藏為傳家宝云

翁頂玉腰金皆以文墨自致孰謂朝廷不愛才耶遠州冗吏見郎報方食
不覺竒匙筋起立敬此委賀

與沈學而

黃岡之夢已徵銀花帶胡不入吾手耶踞上當見小婢下草挽我避
弘慶碑遂致參差殊可慨已到州枯樁僅得捐十朔俸以買燕牛角
補于武庫其勇寔由小婢也吾何力焉謹以免帖封上兄見之必曰唯聖能
知聖可呵

與鄭和伯

凡禍患常出於所忽此亦僕之所不料也公亦安能逆覩之乎生得謗孔多
審落官矣足驚心但恨失大州也渠曾問弓躬于安況四寸同贊耶不足咎
不足歎唯當理遣而已

與李芝峰

洪陽詩卷吟覽數四不忍竟觀之乎大雅音也欲叙一言其上恐以糞污佛
首未果矣況車跋已盡不佞所欲言不覺縮手袖間也謹完璧

生之疾朴君知止疑其為陰虛火動也有身然後方有官祿不仕此行不過
為民而止耳今更陳疏勿函捧八袂西江之水以活波臣至幸

弟非大不得已豈以父母遺賸受榜掠之辱耶此自斷乎中也非假人教也兄
淺之乎知我也然此自兄厚我愛我雖不諒愚衷而恩則有之敢不思所以報
之否情隘不脩

與洪鹿門

玉果樞幾日鼓馬邑耶若赴弟下車之日可以奠於路隅也憶蕭寺同遊
兄有水渾山雨多之句以為破的有才而不克施痛哉

兄樞之過適當出官之日只差一吏督舁卒出境慚負幽明泣涕而已輒
詩脩載此情兄當見之不具

與尹止中

聞兄深過梁黃門此葉哥矯其命也朱太史則似有干求亦非大端而
黃門則絕無之彼二公均是待我何軒輊而右梁乎只以蒙詬為寃
故不得不辨也

與南子安

兄方侍太夫人故臆劑之分優於他友矣亡母寄室於原州享祀不躬
樵牧未禁風剗之哀每結于心安得駐節以掃全耶此為人子者所動
心處也

與洪輝世

東郊探別許我路費甚優至今不入手怪侯楓岳萬峰方待兄生色
錦囊所收須以掛病眼耿耿

僕以病不克燕行目以為民今方有生路莫非聖渥也感戴而已聞兄欲
乞兌西覲不可屈而滿期俟我收叙容我代薤否不任軒渠

與霄江公子

此冷數月迺有分襟腦懷任惡殆不自禁對家小娘每談長與洞舊踐不
敢暫忘已臣飯用菰菜其甘如飴今更可得此味耶候欲效之其如老
大何凄切

足下以高才局於吟典不得展布抱負只低徊於粟帛之奉向使劉子政
生于今月則天祿吹太乙藜未知當屬誰耶念之慨然

聞公疾猶留愴悌神所勞當勿藥有喜也每自煎勞以傷神守二糖

付賢即以去此可直造佳境也長康不解事先啖苦庵可笑

荅李觀松

兄念舊日聯袂之情力振之衆罵之中怜才之念至矣此古人所難而能行之
從此天下桃李盡在公門也

擬出都門以別昨昏除秋部俟物論不得於今日讐言恩辜負此情西望
長歎而已三十律石洲著之以為未妄改竄追償為料勿罪逋稽

書到慰甚目病不復出云雖非病豈可出乎確保此心以待歲寒可也人言
吾分謫而取兄之壻兄若不言則吾何從知之乎此不辨而可破舉其惑之何
也所恨負心者出於素相厚而亦天使之也吾安敢怨天尤人乎善飯自珍

與李于敏

迫促不得揀別於江上三年睽間非不暫也況吾有萬里之行吾南望雲天
不禁憶恨五峰詩吾亦效拙兄亦可以此韵為我送詩也兄嘗勸吾詩試

以扛鼎力試於匹奉沃盥也

遠鼎之求扇三百則可支云僕非要津列岳孰動心乎兄府多竹又有
中郎
匠雖不准三百而半之亦可吾當捧揚仁風使遠省不窮矣豈桑捐篋筒

府娼真娘吾督漕時所丐而渠方仕惠民局亦通音訊其女即吾猶女何
替之深耶綠陰青子殊少尋芳與而聆其苦語亦動香火情幸為我
緩之莫打鴨莫打鴨驚鴛鴦矣

吾病寔深朝廷不諒僅免此麻猶草其官坐調于家得就生踏具齋之
物何足介念百麻幸到於節使發行之後不得已留之況扇頭有兄詩
讀之清風爽然用以解如渴耳紙則還諸真娘可矣兄有廣平心腸也

與韓石峰

京邸奉展礙於兇單覺損歡趣也今得遠山而公亦解縣後故都相距

不遠倘公未枉郡翁則池間道遙可益人間樂事矣置大東綃磨殿斗
墨需與酣落筆之具右軍大令敢爾擅於千古否耿企
承惠天風海濤四大字筆勢龍躍虎爭殆共東溟五金角其雄壯
小室山人見之必賣四區宅也僕掛壁三日坐卧其下尚不知倦和璧之貺
敢不感頌

與宋天翁

少時悞讀抱朴子以為喰金服石亦可致神仙及見紫陽海瓊致諸
虛真人書則自失者久之凡丹在同類所合可以入真精氣神三寶要外求
乎然必得明師良友相規切可與之道今之世任師友之責者非君而誰
唯以累臣不獲近左右為恨耳頃以口訣形諸牘中幸甚

玉清金笈寶錄監規中指南及中和集俱有口訣此三書孰得其肯綮
耶細示戒勿秘也傳諸匪人有罪而輒斬而不傳其罪寔重張平叔竄蜀

之行其可戒之公母卷舌不談

邀景浩

春期已悞幽花為君益飛矣綠陰如許黃鳥正嬌動人春色何必滿硯桃
李乎翻階紅藥亦可見委送芳乘促其鞭是公耳醺得秋酒方濃結
網臨溪待公為斫鯉計石筍沙鱉亦可供案肴僅平生為口故津以酒食
為請毋笑其饒耿幸

與李棠之

足下眼空一世無少許可而獨稱吾三人幸早之無甚高論以僕為猷也
以后洲為枯也以子敏為滯也此三病何以破之足下今之和扁也須以良方
治之至幸

李統制勇臣卷足下之作信絕唱也棄而令拙者代斲終日血指不能措
一辭愧在其間矣吾素不善四六人以善四六目之世間事類如此可笑幸教

之納之大道耿々

足下既已破吾病誠對訂良藥也喜幸、雖然足下亦有吾病欲針之倘
虛心以受否人患才少子患才多倘割愛而去其莖兄則純然大雅也此言
深惜兄而疾毋自諱疾忌醫令二豎工膏之上可也

與許兄子賀

當路阨弟然之不得已往開東登鑒湖金以望長波萬頃直接三山便有塞
索濡足之思遐不樂矣兄知之句為他人道也

守郡無善狀碌、度日唯費囊粟而已然僅免座首者來謁之謂兄必大
詬也

老兄詩珠逼盛唐但太悍稍入戾塗沉宋去人奚遠七言古詩似黃庭經
少、之則當俯視盧駱矣毋訝弟言之太過

讀二賦翻、與與公太冲鴈行不意晚世有正始之音也以今題作古文尤其是

難事不料吾家有此至寶為谷若在當為絕倒用以壓卷不妨

四律甚清勁吾家生色矣切欲和呈公務卒不暇搦管構思嫺母效西
子願早忘凶險皆走也

汝章言子敏詩漸落信矣凡詩積秀已久則下筆自有神譬作十詩
則數詩可觀其餘或平或拙或鄙存其可觀而点煉其平刊落其
鄙拙者則自就於高妙也若篇有意於巧則力費而辭躓反敗於法僻
此大家所深忌也子敏有意於奇巧太甚故未免費力而驚思於勞索之域
宜其乏風調少藻思漸圓而漸落也老兄亦戒之

瓊城人雖美糟妻不下堂兄長往不返小婢抱子以泣似近薄情也圍紅袖
寫烏絲乃淮海少年事兄五十已近頭顱可知須少樽節以延喬松之
壽至望

詞臣參考下獄受榜掠自隋氏開科以來所無有者弟而身親見之又

不幸而出於吾門辱先訓大矣殆欲自滅也豈墩亦不受拷掠伯虎亦不
至削籍用法之嚴今何至是然亦命也可若何

荅任子正

君欲我端整慎口以學時貴態誰能作溪刻自處耶揮塵劇談葛君
曳杖道上正是舒其送耳當大街樓上卷箔而坐作双角髻袒黃衫箕
踞謳幸勿安千古江山一章當爾時荒宇內無人肯顧朱衣呵喝以導
之乎王平子聞之當復絕倒

約初長逝俾後生不得見其風流埋玉對着地中情何能已世事漸廢
交態益新使君軍存而令此人死耶君毋詎我言約初而死誰能更容
端甫乎感念其人若如初歟

抱疾旅邸五日不汗幾與鬼為陰也兄數存厚情可掬我病自當差
正憂君患耳得意濃時可自休兄其弭之

與趙持世

公之大父詩豪唐可入選惜有尺璧之微類欲效于鱗刊刪之舉惶
恐未敢稟

坐享天州不能救原憲之貧負愧多矣庾儲方春赤立粒米如明珠
所捐僅滿一馬亦吾半月俸也比彼麥舟顏甚汗矣

僕阮於立議欲休者難矣今幸善罷直向扶寧從此不向五侯門矣
安得與兄分華山一半乎臨紙慨然

世議又不容居山迨我壯來昨到兄許寒凍不能出殿中雖兄豈可無閑
隙耶可未訪我則當以一部詩就兄評議也

兄謹踰門闕吾望其奪標如渴待飲

外諸殿堂若已之屈其恨

可量然母以一蹶自傷更志千里可乎歷塊可都公自有其才也

君玉吾所善也豈待兄言家侄雖執豈肯逆廢人前程犯殺父母之禍

乎善譬之則云不敢失其齒之和伯

叅為考官屈兄榮於茅二所謂眼迷日五色也然望兄事業如韓雅
圭文章如蘓子瞻亦足矣王文安章待制只會作狀元及茅試問今人
曾有道王堯臣章衡未否不朽大業不在是也

即見家宰公欲以蒙誨屈汝章其肯出耶兄試問之仕有時字為貧也

與權汝章

兄在江都時歲再至洛下則輒留連於鄧郎孟酒酬唱極人間樂事及
空室抵京則無旬日逗留反不如江都之日抑何故耶塘波方漲柳陰正濃
荷花已半吐紅萼綠跗隱映於翠蓋中遠釀潼醴色若乳滴於小
槽可亟未昏此已掃風軒待矣

大夫人恙恙彌留奉慮之懷如吾侍母病日也糖則適得一圓付李生吞
可於餌後進之吾雖欲以此糖饋吾親其可得乎不禁垂涕

不佞行有日矣萬里行素不可無君語須以五言律八首贖之減一則不可謂之情也兄之五律高則襄陽浩然之流下亦不失去非雅韻燕市展讀可以當悲歌也勿以慵為解幸

驢行二律其時別病兄方寸甚亂不得和矣南宮生反洛下必當見君以和章報之知其不浮沉也憔悴澤畔之吟石中商宮兄見之必嗟悼焉

與朴叔夜

秋部之不能除禁贖猶孔道太守之閉門搗書也子能閉門搗書而責我之不能除禁贖此能以法律已不能以禮處人也朋友交勉之義安在耶亦各去掌而已

與任約初

端委廟堂我不及卿一丘一壑自謂勝之年來戀五斗不肯去並與

丘壑而負之壯山之移將至慙醜面目也不如方回則固是常奴吾願焉
長卿慢也矣況其詞之

天地四時亦有消息而僕則每屈不伸雖百約初亦無柰我何旅官輦下
杜玉屢乏不如以一縣畀之窮猿奔林何可擇木只恃布衣情每告耳
依兄宇下使人頓忘寒暑此別又千里黯然傷魂而已平生見君則使
我欲傾家釀江上祖道列百壺而不得兄一飲仙凡路隔耶回睜曾城
佇立以思

痛寒失音此天欲簡應對之煩耶但舌根先堆其距四大各難也奚
遠哉昨見而述言凡事無善否而固則乃洩吾舌噤不能折之聖矣
去人其間亦通况一時論議者乎若使兄在座聞此語必不至河漢也
僕未平頭顱已如此若過此則未知作何狀浮生能幾強隨人俯仰耶
古稱名士必痛飲酒熟讀難騷我則俱不能焉百寮底固甘心也足下乃

欲挽諸千仞壑未知有爲獲否乎恐費心無益也
清露晨流新桐初引對此想足下甚其如濯之春日柳何聞君達詔
於玉堂非意相干可以理遣勿自芥腦也行當自返綉衣幾時蘇耶牙
疼不出戶甬此奉慰

與任子昇

人言君嘗西涯而得說書吾聞之甚念其言也西涯賢相不可嘗之少
人而得官亦非羨事矧西涯相乎願兄雍容無躁前程萬里亦有天
定不可僥倖而倖得者乃名也諺曰衣食噎喉此言雖俚可以喻大
積古書萬卷左文君而槩博其中便足了一生素琴鐵歌兄自好之
慎毋說爲我目拾人間遺棄物何干卿事耶兄勿罪不掄鄒雜此足見
其大膽猶萬里長江河能不一千里西想其枉幸甚

君規我交雜人凡再至甚感心也然此不足害吾直者郭恕先携市人

飲目與我周旋皆此流也未如兄所周旋者其有過於市人否

昨夜君小娘來唱江南曲累如貫珠聽之忘倦擊節以和頓足起舞舞殊不知天地之寬不恨我不見古人所恨古人不見我也一座俱以兄不在席為既金華天上亦念李白酒樓否

君言我搗門諱客致令要津者虛返以恙是不知我也僕不幸所寓與初初對門否則呵喝肯臨前都事舍耶張續曰吾不能待何故客穢客也吾亦云々

僕非佞佛也喜其久而讀之以啟困也晷數千戶郡尚不能得通晷作佛也是甚不然此諸無稽小子只上附炎談訖者則果稍優矣

吾方忝南宮而兄徃佐之不意韓非遂與老子同傳也僕寓玷脩局即終日伏相君前操翰以書揮汗成雨殆欲發狂何不尋遂初賦而強欲知人西家事耶甚欲授綬以貧憲斗祿未果耶

南未原欲見君也方伯惜破田規未諧於凌陽今則勉沒之相見有期矣聞兄近有思疾丈夫當以理目遣天下多美婦人何必是人生家雖兄膏鄙荀奉倩之死今乃蹈其軌耶太夫人在堂而兄獨子無兒母厚為無益之悲詳在昌平棘中馬上潦草

與沈重卿

昨日始聽君小娘詠麗人行字穩句安排比得倫如才子善吟者而自有金石鏗鏘之響未知瀛石二娘亦有斯技否南朝桃葉不得絃美兄為王子敬足矣何必萬戶封侯乎

荅尹鳴益

慊之不幸士夫所羞然此兄戊申四月之厄則真阿鼻之於人趣也相去奚啻千由旬矣患以三布正以給楊楚者此恩可忘獄吏相侵天意難測猶得餘生返故園則幸矣否則南海上如就清都矣鮮感草書

與趙怡叔

久不挹紫芝眉守鄙萌積矣倚樓之什何不示丁卯橋主人以破一睡
耶世說久假未回想已卒業否吾於千載之後不及聆晉人清談思
欲展之以究諸言幸付進矣如何

與沈扶安

僕困於牙舌當自劾去恐重惹人言次且至此已乞於補衣閑月當有
決落矣南道主人惟恃吾兄山樞之事只蠲數奴戶役則吾當自就也
秋風乍動蟋蟀方吟回睇吳雲思與朔鴈而俱翔矣

與趙善述

吾方赴人譙席而樞馬反秣君枉陋意其在內醉郎又從而啓君疑至
於與時望言之僕豈方持政柄者最熱鬧而搗人耶十年締交致人
之訶所謂知人亦未易人固不易知也瘡牙不獲面折姑此戲告

寄奇猷甫

今月十五日到配所輟不如扶寧蟹螯不如碧隄饒人飢餓死矣

荅鄭時塗

慄之獄幾完含冤承訊天若晦焉日若瞢焉所以泣盈徂之血也太白之夜郎子瞻之海南古人亦所不免吾豈以一謫自傷也南旋決矣兄可斗酒隻鷄出候於路左叙詩盟而去耶悠々不尽

與任茂叔

吾謂人曰茂叔之四六過於孤雲也人皆怪罵之又語人曰茂叔之文似玉奔州也人不甚訝之是與他貴遠而賤近也其窠奔州之文遠踴漢兩司馬俯視孤雲矣帝仅鳳於燕雀乎君可自信毋撓於人可也

荅張持四

罪徙之人無相問者公乃能於衆棄之中辱輸以存厚意鄭重是真

國士之遇敢不以國士思報乎僕仰負明時百謫難贖其不出鬼門幸
矣敢以流落殊方為恨耶春官翊護之功全藉講臣此正君行而學之
日勉輔以正吾當拭目傾耳而待之耳

荅案侄

公憂我在陳吾亦憂公抵戩冥行耳吾之憂公過木公之憂吾也慎之
毋更貽親憂

趙家之納謳姬在吾亦無所懷公何恨之深耶殊異乎曩日力止之心也
至室固可惜今亦過僕耶

與曹養吾

在北因見鶴溪否其疾若何僕平生不節徑歷許多曲逆猶免此翫而
此公見舉罹天亦有命存否追思則捫心以悸矣僕無狀又罹尚口并
皆平日所樹立使然尚何答為坐待罷敝而已

與閔叔正

愁歇院神詠李白贊舍兄亦不之信決在君口為我速來証之則解
吾妄言之咎則破骨肉不相信之情二者係君一行矣被衆怪之寔計無
所出委矣以邀

與龍山倅

朝起食指動忽承嘉魚之貺何必海玉輪俊味乎衰江縮項徐州禿尾
未知風味敵此否斫膾如絲不覺饒涎先流筋入口則湯餅腸驚佐雷
鳴敢不九頓耶

謝書咸山倅

奉鯁尔一咒味殊膾胎塗遠藟醬頓首
人言此地多產細白魚辦魚求配為是也今春切無之亦數奇已老
夫為口未闡干首其痛未免枵腹可呵

復南宮生

蜂一桶置于梧陰觀朝夕衙法度甚嚴吐而不及蜂令人短氣

荅宋侄

自君上洛之中諸親知皆言亨甫不善待吾假如汝言族自吾家則甚不義也況無是耶此邑素展而亨甫規隘安得邑之如臨陂人之如幾伯乎責望人深者非君子事也慎毋為此言徒增汝之薄也

與李蓀谷

翁以儻近侂為繩孰嚴俱不涉盛唐介而不御獨善古詩為顏謝風格是翁膠不知彫也古詩雖古是臨榻逼真而已屋下加屋何是貴乎近体雖不逼唐自有我造化吾則惧其似唐似宋而欲人曰許子之詩也毋乃濫乎

翁以楓岳紀竹詩家高古可壑茲集云儻固自恃之其賦則紀遊而

已何敢與與公明遠爭工於千載下耶恐過調調我之辭故敢辭之
十王洞望高金朴達串三古詩誠如公翁所言果涉大悍僕之文病
於腴不病於悍時得之亦無所妨若使于鱗見之必置於明刪中而王
家子弟稍有矜持亦何害江左風流乎

翁素獎我騷賦婉麗不佞則不敢自信焉僕之文近進而翁狎
不知之故謹寫閒情錄序朴氏山庄王塚二紀十二論李節度誅閑廟
碑南宮生傳對詰者暨北敏賦毀壁辭為一通付卞生而去韋教之如

荅尹梧亭

承惠馬乳喻之頓解相如渴耳恨不得一斗往乞涼州牧也

煦悴澤吟又諷佳什向壯風而長懷耳僕近來杜言竅而詩竅亦
隨塞茲不得已和媿汗塞沔矣

與洪仲仁

君攻詩五十年始得一進士乃沾沾自喜賦一日看盡長安花之句慎毋
以此奉自滿也士所當為未必止是

圓扉中得喻教愧君良多早用君言豈有今日事乎新息之念少
游言其出於至情哉恩謹必不越鬼門思向嶺東時以故鄉為難搯
猿籠鳥命係於人其放之命也其迫逐之命也夫奚言

與李汝仁

渡江日紅裙出沒於東岸舟已中流勝之若河漢之望儼女也及至鎮江
候吏告僻十里回勝則并候吏失之況紅裙歟而況吾子歟莊生不云乎
送君者自崖而返君自此遠矣吾亦云

昨夜招蕭娘至則以叔夜之抑而見也凝睇怨絕回頭向壁燭影中
鬆髻殘粧亂衣臆容殊勝於明粧麗服日也始信西子顰為醜者所
效矣迨寢如啼如訴及談十年事則眈眈繼倦殊不一句話又蹶然自

失君試為情詞記之

延州客至大定江舟上脉脉不得語淚滿眶吾不忍者也槁烏將蘇翳袖以解此時江山頓爾無色若使汝仁在傍則亦必為之歔歔也

十八日渡沮江叔夜苛留之惧其更挽偷至岸楊簾舫而渡夜為別悵所牽不得交睫枕舷而卧夢中舟動訝為蔡姬盪也驚覺則風掀櫓催矣午抵生陽小雨霏微渥階藥款款以落仿佛湘娥面上啼痕也此時不曰情惡者飾詞也

吾得大州適近汝仁所寓可待母來此吾當以半俸餉之必不至鬻素也君與我地雖殊而趣則同才寔十倍而世之棄有甚於僕之每氣塞者也吾雖數奇數為二千石猶足以過涎自濡君則不免餬其口四方皆吾軍之責也對顏輒汗食不下咽亟來雖以此得謗吾不卹也

君家文君甚警慧必知春色元時其肯為沙叱利終守節乎諺曰

十所木無不顛君其畧之彼無熟金帳羔兒之味雪水煎茶殊亦雅
事使其過我必曰幾乎虛度此生也君語之曰飛者上有跨者則必動
於言矣

簷雨蕭々炉香細々方與二三子袒跣隱囊雪藕剖瓜以滌煩慮此時
不可無吾汝仁也君家老獅必吼令君作猫面郎母為老環畏縮狀門
子持傘足以避霖霖亟來々聚散不常此會安可數々分難後雖
悔可追

此行欲止謫也非久計已奈以判閣見廢此頂玉梯也親朋止之曰仕宦至
衣袂亦是矣吾亦勉留可笑胡孫入布袋也鷄助何物敢爾撩人此時
仰陶元亮若天上客乎

吾又為此行十年三入幕豈非支離乎使相必欲得君々不欲出則已如
有斯世志可勉未矣書記翩翩致足樂乎西聞千里更踐舊游亦一快

事也雖過密之詩無辭色以娛旅館青燈燒香對坐談古今在詩歌
以了三春殊不惡也吾二人俱入衰境會合無多未日苦短念之至此則
必彈冠而起矣公行無任

玄翁求彩毫咏以看拉賞之以為杜紫微所不及乃過獎也君素饒舌
慎毋為注脚毛鄭氏箋衛鄭風殊失本旨至今為莊人口索君亦效
尤否他日髻綠禪榻見茶烟颺落花風則不待人苛督自著仰
邪說如和曾公壯里誌當添一傳奇笑

客夜月色如畫散步門外烟柳惹龍飛花撲衣油然春與撩人
身非老僧而奚塊處以獨耶俯視君家園無人語想香暖蘭房夢
酣鴛被則此時此樂亦極矣願以二紅紙博君漢吏則吾願足矣孰
謂君數奇乎聞必捧腹

因病不克燕行草其職有生乃有官也從此湖南一布衣耳

吾徒此喜於頻見君數月寒凋觸事怵悵唯遲君來以晤語消一日當千載矣一衣帶水可揭厲也

與梁子漸

尊先公文章甚好誠任家也僕不文何以貢之念之結撰不能尽欲言其汚佛首乎去就之亦有君也

聞君食貧此綿絮從矣出乎却之不恭留之不忍而以厚眷令絮內服坐卧不敢忘也想秋山楓菊正好山中長吟而方丈風烟尽入君詩囊中矣不任耿耿之懷

與李士常

君尹碑之詩誠為絕唱而害於吾甚多云君所任則汝章之外無一信者將何以自解乎僕以此凡三往於金訖賴諸人扶持之耳助吾謫不淺後則慎無為也君不見魚潛夫賦斫梅事乎吁其可畏也

西來人言懶翁化此言真耶痛哭投血天子痛哉吾誰與相羊物
外耶世人重其益吾則重其人兄亦知之否風流頓益安得不為悲乎
昨夜夢見懶翁言似甚足樂此連生之言也既覺而思之此身亦非吾
有浮生萬事何足留念念終當投袂去伴海上白鷗耳聊指泉

與李懶翁

與后峰別僦覲旬逝奉玉問荆心鑿拊胎不能已尤所恨者公幹之益不
得不如裴子張為敵也君亦必為忝乎如何

大絹一簇各樣金青等彩並付家奚致之西京須繪作背山臨溪舍
植以雜花脩竹千竿中間南軒廣其前除種石竹金線列怪石古盆
東偏奧室卷幔陳畫千卷銅瓶挿雀尾博山尊爇于裴几西
偏掘曲家小娘糝羹菜手漉潼醴注于仙爐吾則隱囊於堂中卧
看書而汝與在左右詼笑俱著巾綠履道服不帶一縷香烟颺於

箱外仍以双鶴啄石苔山童擁帚掃花則人生事畢矣工訖付茶盃徵公之同切望

與西山老師

聞飛錫向金剛尚宴息於妙香乎咄馬蹄間望仙山而不得攀勞生役之何時尽已先大夫視師如朋友僕亦通家由也父兄手迹俱在公所云王事若完當詣東林倘師聞堂振佛以俟否

不佞從無明種子中生連皮帶骨無可避之地六齋相據日尋干戈安得以無諍三昧治之耶細思之則人我萬物皆空古人云衆生身同太虛煩惱何處安脚此身自喻師以為何如須以誨之

仰聆大誨又以語錄畀之展玩累日淨裸之赤洒之沒可把矣未知拈花微笑去人何遠乎倒着門前剎竿矣

來樂道要亦費辭說但願空諸所有慎勿索諸所無任性逍遙隨

緣放曠凡心已尽則聖亦何遠只恐無相之心託境而生也然解後之後當踐斯言師勿督過

與松雲大師

師似未達禪機也攝心不動何必淨尽諸緣然後為之朝市廛間隨處可做矣吾聞一念照了一念之菩提也一念宴息一念之涅槃也但願此心靜久則明而已

楞加四卷乃初祖心印殊不可句而注家亦無深解何緣從文悟義耶然讀之萬遍自可通曉恨吾國無板本以惠後學也今撤所藏唐本以送可令幹僧鳩才以刊板茲亦善緣也

與海眼庚釋

你無執著頑空也若不見性則祖師密語尽成外書若見性則魔說狐禪皆為妙諦執則有人我之我無有一善惡懶惰懈怠

中得免之哉

與杜娘

娘望月契瑟而謳山鷓鴣胡不於閑處密地乃於尹碑前被鑿齒
所覩汚詩於三尺去思后此娘之過也嘗故於僕寃哉近亦忝禪否
相思耿耿

蓬山秋色方濃故與翩、娘必笑惺之翁負丘壑盟也當時若差一念則
吾與娘交安得十年膠漆乎到今知秦淮海非夫而禪觀之持有益
身心矣何時吐盡臨指慨然

長書

與后洲書

在洛下得兄江都書信僕失官此時僕已成轄出都門求價置而告
去忙不草復修則言通慢之罪安所逃乎僕辭家二日抵正卿永平

潭壑泉壑溪山之勝不減昔年而所恨者金館不起廢而入室醇酒滿
甕香蟻浮、恨不拉吾兄以大白侑之聞之必流饒涎也至今城僻有孤
竹荷谷詩清楚可咏又有子敏詩念、不得和去冒雨宿通溝踰斷
髮嶺遙見萬二千峯環峭拱揖如近吾行游與翮、不自禁促馬入
長安寺日已曛矣擇道覩自湖南來稍解文與語甚遠明朝携入
十王百川洞岩峭拔地骨立水激瀉楓枯參天行十五里抵灵源宿曉
向望高全峽束崖斷攀鐵徑僅陟小憩於松蘿遂入萬瀑洞翫楊蓬
萊八大字筆勢飛躍可與此山爭雄回至鳴淵夕休於表訓寺主僧
曇裕設蒲供待明登真歇臺去藍步踰開心亭萬峰森在眼底不
可名狀其峻拔而仰然者若君之標秀特立其隗俄而頽然者若君之
醉倒玉山對此足以慰吾懷也是十七夜待月於正陽東樓朝飯圓通取
徑於獅子峯宿普德窟歷火龍潭抵摩訶衍風泉柱檜徹曉磨

颶作響如笙鶴冷於雲表即由雲與登九井峰以雨不克上毗廬到
寂滅下視星門洞衆竪嶙峋如長風扇海濤二僧言自此下抵朴達
串可達於隱身舍余治蠟屐拂曙從白田而下徭曲行五里許亂石叢
立悍湍噴其中石皆在怪數狀如欲相搏赤足踣流而滑午息于紫月
窟正據內外山之間卷捲其膝蓋游人未嘗到也迤從南崖到佛頂金
少選風雷起於中壑大雲平鋪脚底雷光閃輾轉懷不可頓眺俄歇
則千瀑快垂於青壁若玉缸爭矯然昏抵榆岵則鄭生斗源踵至談
五更而睡留一日下山從百泉橋取途於迦葉洞宿于明波蓋三日浦舊所
慣歷為直向臨瀛計不復游也翌日見崔東昇於邊城懽甚挽三日
留且問后洲今作何狀尽出其詩文以示觸目琳琅珠玉也回訪洛山舊
踐則鄉耆宿俱持盞未暖脚太守又以妓樂侈之浩然有安后東
山之興焉以馬蹇淹五日啟江陵外家於榆傑不修謁已八年霜露之

瞻倍切矣邑東有小塾其學子五六人閉戶讀書欲了殘年未知天
人欲否海山壯游大畧如斯當時若同兄弟則矣囊所收珠璧當富兄
聞之必大媿狀亦大恨慨也宦情灰冷世味茶苦靜處之樂甚於軒裳
豈肯捨我所便而為人役耶唯是停雲之念結於中情地遠難聚
恨不能遣秋候漸溫幸好侍二萱親以畢養志

工許吏曹頌書

頃接邱報恭審晉長天官獨枋均統士論翕然故重宣宗社生靈之被
賴敢不為相廷賀得人耶某忝在宗人之末其欣折祝望之懷焉可量
哉翁清忠敦朴倬有忠貞餘烈起家三十餘年宦路坎坷無一毫攀援
形勢之迹廉名淑行在人耳目主上聞自涓叢起擢蒙宰豈非以勤厚
誠實之心素孚于輿情耶方今士論斲貳人材渺然而居上者或未免
自任之誚致令介士納履曲夫彈冠魚目晒珠之歎至此尤極公爾素無

偏黨衡鏡不頗幸法了翁平舟之訓母為時設所學拔賢揀才
非一國盡在門下則非徒國家受福善類知度而吾門忠直之風溲
振於今日豈不盛哉至於屈已徇人苟合持祿以美官自享其身如流
俗之為翁必不肯也如事不可易辨則奉身勇退每自玷污是亦上
許他日結局未善一敗瓦裂則雖欲悔之臍可噬乎願翁自愛母以
寵祿為榮上念祖先遺訓下為身謀千萬耿祁門下三少年本
非端良之士往來調煽弄出偏聞則所傷於翁必厚慎無此浮談俾勿
干於汪擬此輩附炎特甚他日負翁之際當念鄙言也區區受翁之
誨不覺枉觸幸勿督過如何

與金甥正卿書

見手滋如挹芝宇况承慰問切至欣感交并官爵是外物亦奚病僕
之平生為裕甫所毀了者甚多頃自湖南屆全州則裕甫遠了母憂初

喪處事從曰頗甚未及外客安從而知之于有人毀裕甫者引僕為訂
洛下人初見僕爭問其由裕甫曾陷我以在服不謹則其初喪用即蓋
出官物蓋杖下人等事我從目親豈可掛諸口吻有若報復者然是以
問者百人俱皆以不能知答之用是致疑於僕遂謂今反相結至參謀
訟云則寃孰甚焉嘗吾聞此言而未語則在僕初無是事固當自辨
裕甫之迫回齊宋二家亦豈僕勸而為之乎見忤之端寃出於茲厥後
兄家結婚於內賤隸數人承裕甫旨欲回家宰於上迭出謗書搆諸
貴人遂起紛撓之端其致起固其所也今士大夫姻家新婦之季父
不敢以謗書通于其姑刻鵠中嚴遠之地乎久則自當釋然聊不與
辨僕素不喜榮官今得一事自罷秋兩乍收近當一馬往訪仙山仍為
束還計此時君若在潭壑則過宿數宵劇談今古瓮頭醴醴可以
餉不飲客而石筍沙鷺足以供樂肴須掃風軒以俟終不負約

荅許新昌書

不佞之郡目極境有一老婦皤然持山果一筐跪道左問之則居民劉方也問來謁之由曰許新昌奴也太守姓許得無我主人翁同宗否故以此來饋不佞笑而受之渠自是數未見衙軒時飲之以酒或問以弊癘則索盡無諱固喜其愚而賞其直戶役之可蠲者時特免之丈之書又辱以加恤不待示諭已自尽力矧書中諄復乎僕治無善狀朝夕待劾即以殺士其豪事謫言薰天得事可以罷去東海旧業已尽荒廢切欲趁秋回駕為料理計詎可應此逆旅自撤菟裘乎鷄肋何物能令季鷹遠巡誠非大丈夫矣客歲陽陵公初長均甌心切憂之陳書以磨言則陽陵面是而內察不然近日作事悲憤又與當路者甚密二三少年從而眩亂之不出數年當見其債丈以厚分密戚不可垂泣以道之否及今退去則猶可及止若更留戀厚積其過恐上辱先訓為吾門羞也陽陵常視不

倭如昆季情厚忌至知而不言是負心也夫勿以言狂計迂為一論乎
分是祝

荅錦溪正書

連承碩問方切感幸又辱以書壁解曲至非情之極安得有此僕之
病非假也自季秋中寒頗甚肺熱挾痰火心忪々若有恐懼夜不能寐
食飲頓減勉強馳策必有顛路之患調治累月乃可復常豈以一個堂
工之故厚廢國事為自避計耶是不然是不然璿源纂錄是何等事耶
當事者苟任或情低昂使非璿源者混載而當錄者反遺則祖宗在上之
靈以為何如耶主上不以臣為無狀俾得纂預校之列諸派偏摩種々舛訛之
處雖不得一一証正至於偽狀昭著不可掩覆者只憑渠輩之忌訴曲為之
茫必欲載錄是上辱祖宗也揆諸臣子分誼固不敢為忍矣依安之配金氏
載在健元陵碑父安國之後娶黃氏又娶琴氏似無是理設或有違禁

竊鑒之事非朝廷所知又奚敢以嫡出自處耶且所持文記稱列聖俱許
甄錄云其差謬之迹不一而足所宜畏可摘者如治元年三月都承旨臣
許琮次知啓依允云琮其時已為崇政使曹判書以接董圭峰在義州
安得屈為知申事乎又曰嘉靖十二年四月日右承旨臣金正國次知依允
正國已於正德己卯由黃海監司罷官故田當時禁網正嚴一時被然之矣
士無一得解者正旺安得狎先復官乎其稱全州府尹金光軫乃僞外祖
弟也丁未年為府尹一家老僕至今有生者亦非十二年莅其府者大槩
為擢者全州人故熟正旺之善為承旨光軫之能為府尹而舉其名杜撰
之也此若得知者可破其奸也況順寧養家賤孫事兄本是族其端是
大不妄錦山之力爭固其可也使僕當之決不可剗去血屬以絕天理是而忍
為則孰不可忍也二品宗宰四十之後呼有財五寸寡嫂為娘以兒子自
處固有人訖又沒奪其嗣息使不得錄於玉牒古今天下安有如此至寃乎

且下之見拘於常法僕等之爭出於天理先王曰理而製法未有悖天理而
能為匪者也錦山不出則吾亦無行公之勢且下量之更有以復我否

與李大中書

且下以高才重望厚結主知一時士類咸仰其風彩爭願出於門下如僕之早
辱獎愛者宜不敢自外力冀齒牙吹噓而區區守分知足之心切有願陳於左
右者試垂聽焉僕早失嚴訓母兄嬌愛之不知誨勅任誕自放浮湛於里
社中茶肆酒坊靡不出入人見之者固已相輕稍長所習乃小技不足取嘲哂挾
剔務快人耳目不自覺其陷於輕薄不幸早決科以為功名可俯拾揚袂
得意唐突觸忤積成讐過傷視固已眈矣頃因大侄與李家煊婚逢
此之怒必欲甘心搆出飛語陷僕不測之地羣憎唱和遂成口案十餘年
未所至招誘如山屢起屢仆自分永棄於世其視踴躍駸駸若登天然並
掃門絕軌跌宕於文史祿則為貧而已以是旧相識者若柄權要則一切不

相聞問蓋羞其辱先訓墜家聲不敢列於兵士大夫也足下佐銓之日抑
嘗共爲卿惜某之才力欲汲引旋爲當軸者所嫉二兄亦且不保其位相
繼補外僕亦落賊東故此自僕數奇然也何怨尤今足下又將挽致於承明
金馬著作之庭欲令獻納論事以補聖治之萬一意甚忌至其厚我愛我之
恩僕已銘骨鏤肝不敢忘也然僕之平生時之已熟磨言猶江魚野鳥不可以
池活籠劍今以跡遠之蹤逼側於泛聯之末徧情崖兒不習便媚一語干冒
便落千仞當下后加膏之際雖兄單百人難以引繩相救劉興之脂亦將污
於知己者豈不大可惧哉僕家窶兄老不能決去唯欲得一小郡爲妻孥
餬口計無以讀書爲暮年酬應之資兄若憂惜須力言於持柄者借一麾
以出則恩孰大焉此言出於悃悃非飾辭也

辱惠書復旨意勤惠甚恰才待回之情藹然於言表玉復數四不覺徂
之以涕嗟僕何以得此於左右固當結綬彈冠爲知己者死他尚何論雖

然僕不幸厚罹誣毀者一人足以破百譽之口況毀者通一國而譽者僅兄
軍數人縱使名玷薦書身跡途列皂囊封事安保其不踵至者耶若
時以久屈為可怜龜勉以一官榮之周旋繡縫俾免顛沛當其呼唱出
入之時不相善者從而嗤点之曰是夫也嘗以無淑行見亦鑽刺何人而
得美官耶云則其辱有甚於白簡況僕言輕量狹不忍容忍使侍講
惟或叅言地則敵告糾序之際動必得戾於君相大則竄逐小則削黜
可持卷而待合也帝惡累及於汲引者無益於清時僕之所家憂者
也東陵有一婦短而青稍能女紅早嫁喪其夫宗黨勸其再婚十年不肯
及至暮歲為人所誘改適則夫人不愜又失姑意未數月出而還家自悔
其毀節僕之今日誠惧其如矜婦也使僕有負郭田數頃豈肯低顏
下色於諸貴之間苟沾寸祿為保妻子計耶聞洪陽有缺幸言與判俾
獲叅擬勿以非分相屬十分祝望

再復書辭旨尤懇足下至誠惻怛萬倍恒人此生此恩粉骨何酬昨日
政席翹待洪陽之命德甫來言鄙名出於檢討之擬以叅錄人有推考
書望而姑停云僕聞之尤甚不樂終夜耿耿不寐也僕之力遜願路其情
曲已悲於前二書今不更加喋喋折有一事不敢吐諸口今已迫十分地頭
終不能嘿兄試採吾言焉僕家不幸與官接聯姻之貴又家寵者
頃年蜚語射影欲中僕以危法者其言無所不至外廷諸臣諒僕無
他雖不相善者亦以必無是事至其內間則遠密秘藏安知攀緣者
入讒孔極而僕家不能悉其情耶以此處世若孤雌之集願木不敢保
朝夕安覲其榮顯乎不然朱衣引道銀牌前踞客與手珍金開館出
入乎金馬銅龍豈是惡事而固欲求錢穀冗吏耶乃出於大不得已
也方今國事可謂大可憂也而兄輩徒恃君相之不知復他念晏然不
積薪厝火之上其危有甚於僕尚不自知僕已灼見其形乃欲引之同

入於深淵雖極愚魯豈肯握手聯袂駢就禍窟耶願兄自愛勿
以鄙為念幸有閑邑之缺力共擬差兄亦翩然鴻矯勿戀累福則
長無僧弋之虞矣如其不能決正勸首揆即以封儲案于朝廣締士
類遍諸臺閣開誠心布公道為世開太平之基則有喬松之壽盤
石之安而簡丹亦有光矣狂顛干冒罪合萬死

與成德甫書

昨蒙枉訪方欲披露情悃以達於高聽而見軍省至不免拚一場
閑話終夜耿耿晨候則已駕省矣夫大中之力相必嗟情則厚矣不能
諒僕之平生三書以叩其聽逾退是不過借手於兄也兄比陰朔夕
相過從辭之爛熟勿為此公所曉千萬幸甚方今之事無大小皆出
於首揆首揆之待僕不可測也數君子乃欲連越其意庶幾及引
是雖出於相愛密恐終至於狼狽也頃者汾陰公言於僕曰首揆

奇君之才欲置諸論思之地僕曰家兄素不善於首揆而首揆擢第
於玉署金華則人將謂背兄附勢決不願為汾陰語塞此僕之奉
情然也兄悃愾誠心必諒此心即聞真珠大使捐館云此府近於外
鄉於榆江山明廣畝間民醇池園可以逍遙欲佩銅章為六載吏
隱人或言山鬼作妖不利於太守僕素事普化君駟雷符諸神以
盤之何物魍魎敢以弄人耶專決在兄之口慎毋撓改如何

荅崔汾陰書

郊外握別情厚款勤追思晤語不敢暫忘到州十三日邸吏以京報
及手札致之則審於五月初六日以臺劾見罷不覺失笑先君子宰
是府十三日而適不肖又如是以此殆真宰罷弄夫豈人謀僕疇於世
以為死生得喪不足芥蒂於心稍從先佛者流托以自述既久不覺沉
潛尤好丹青觀其達見峽決河潰而文字恂恂杳冥如飛龍乘雲

莫辨其尾髻介讀之渺然神遊八極之表常以為不讀此書
幾乎虛過一生參尋研究洞盡底蘊則心性自然明了若有所
悟時取少所學四字瀛洛之說較其說心性處異同之見真偽相
徑辨析論議頗有自得至著書以明其趣所謂妄佛似必指此也
僕見忤當世屢以污蟻見劾不動一毫豈肯以此而傷吾神乎況
與郭公同入諫書所謂李杜齊名死又何恨者也兄其大中德甫
初欲通顯踞者毋乃不料事撓耶黃綬不容而乃許玉堂天字乎

與任子正書

伴人朴金來得奉月十七日郎報有來岩公請罪首按疏展看之
際方食不覺噴飯起立擊節嗟唏天下有此士善類足以吐
氣去年冬兄欲為此事僕力止之者誠以吾軍素無重名一作
此舉則國家棄之如孤雛鴈鼠且將不利於大事龜勉而休今

者此公能為吾軍所不敢為其忠節慷慨宣下於古烈士耶彼亦
扶持重望言足以震動一時決死爭之愉快則有之竊恐縣官激
怒緣此而有過舉其身之不保又波及於士林終必至於不忍言者
思之至此不寒而慄然聖上公明雖云徒聞聞豈肯俯徇左腹脇
言者必不然矣兄平日常不滿此公摘瑕頗甚僕以為論士當取大
者不必据撫小故以為賢者之過也兄輩頗不以為然今日事抑
何如耶譬如長江大河沛然胡宗雖百里西何害其洪乎兄頃勿
以為知人而讓此著於不妄可也州務甚殷終日謀訴如雨猶不廢
我嘯咏時對西山爽氣亦拉劣於頰耳

荅任子正書

吾東無祿先王奄桑群臣攀髯之痛內外奚殊況不佞厚辱
膺獎終始極濟得有今日秋毫皆恩德者耶大明臨照萬方更

始哀廢相仍恟怙難寢且審兄去臍省就言諾此正君子得輿之日
初政蕢襄寔在耳目之臣兄其端力効忠勿負所學如何臨庶
人自速其敗頃日配于珍島來往于州竊覲其所為殊不類人吾
軍之前歲所煎念者乃過憂也焉有掛孝者對人喫酒談妓
妄輿馬之事吃、不堆口而能為非常之事之理乎此是樂禍僥
福者從史之致可諗一笑未岩公已抵洛下云想兄亦往見其為
人其議論風采協於所聞耶此公風節岩、壁立有非濁世人所
可企及至於其徒未必盡善以兄之竑識不待鄙言而已自洞見
然數則親、則溺、則不期同而自同也其戒之教慕如卷中人可笑
天胡之事議帝未妥遠州吏不能詳未堪杞憂深恐云徒往
售奸計以敗大事兄軍當局者亦慮及此否進香上去在月念
之間奉展伊通

與趙持世書

使留拜大教是信朋友之道讀之感愧交并僕之前書聊戲耳兄過信而
憂之意僕竊有此計僕雖拙愚妄豈有厚被人言終欲遂非之理耶
僕平生受謫之道凡三俱有疑似之迹當初峴山之謫祐甫雖以大侄婚
事憎我而構煽眩亂人聽若使僕不淮凡延不過漢上則雖百祐甫若我
何至於奇相之事僕未免有所失焉僕之於奇相情誼極密其時些少
行言先告於相以自解則必不至疑阻乃洩於匪人展轉誣惑終觸其怒賴
僕初無是事故得自解脫不然則禍豈至於一點否追思則悔舌輒扞矣
今歲之言以僕常出入不當往之地其家固常疑我及其跳出適當我
進香之日故其夫黨執平日相泥之迹煽出言根是亦自招其謫也何
怨乎人哉僕屢躓於世宦情灰冷已卜於過山之陽為百歲菟裘丹
崖桂樹之陰濯足清泉散髮岩宙酌仙液以自陶當此時若得一謳者

唱郭景純游仙詩以侑之豈不入間大快事也念及此悔失奇貨矣

奉王冢兄書

秋候漸涼伏惟攝養益軫母任係慕之悵第遠以善罷深協所願
當即還輶輦下以拚姜被之悵而厚被齒舌所困思欲遠遁以消
磨之次意南行回睇北天情愜益愴到扶寧主倅沈君安頓于嚮
吏冢日給肉粟晨夕來訪有求輒應心安身便唯以書史自娛寔
懿畧之清都回視昔日官途中汨沒相去奚啻天壤哉過山南麓
有愚磻谷其中沃衍有泉石佳致携乃二李往卜宅基松篁叢蔚
壑窈窕窳隱者之所盤旋也地且海濱富魚蝦之產煮鹽板穀云歲
不能殺人沈君募工伐木已構數間於溪上遠安此間可了殘年況距
京洛纔五日程而無大坂峻嶺洪河以間之看雲之念若切則茅當一
馬往赴豈不便於事乎弟不幸初見斥於荃仲中為一松相所忌時

軍之相厚者固已云與吾儕同其議論及子正佐銓之日乃為士黨所
罷彼流不知茅之欲去州而徒求其迹方必鼓掌而喜曰某非南
人而素與我同心思也此辱甚於腐刑而不幸當之殊可憤也前月
子正書言叙命下則時叙欲以玉堂處之者良亦以此弟白首落
拓榮官之念已灰詎肯為人牽頂屈從年少後苟一官以自矜寵乎
西笑之望得此尤絕使迫不盡所懷

與鄭大諫書

僕不幸見忤時貴者甚多吞舌不敢辨誠以數奇使然任天令而
無可奈何矣今者迫進之患言又出於意表雖可置一喙而辨之亦為
回心是何牢執至此耶樓之初構在海城則嗣而重修者豈有擬其詩
之理乎記文及次韻詩俱在鄧集中伯進見亦不之信以為追作而後
其怒是何待僕之淺甚耶僕雖鴛粗知萬物之皆塵肯耽軒裳

揆在下張

此曼卿柳

侍御書下

段

若見此詩則必知傳者之妄矣。但此詩之達於彼誠無其踞吾亦不知計所出也。宋公若無弃父之事，雖有百篇刺譏之詩，何傷於身乎？若有一毫未盡，則雖家買一啄，市列千金，以自明而自雪，若登天然不可得矣。僕之詩，實足為輕重乎君子，但當自脩而已。眾口如川，一力不可防。若以訖已者，輒欲中傷之，則不已。勞乎願兄詳知此情，善辭而解紛，不勝幸甚。

荅鄭生書

昨以齋事宿于衙門，值兄辱訪，不獲面討，恨不已。來晤來，若事不滿一笑，僕之於來，若無一面之交，而素不滿其人，只以頃年討柳之疏，差強人意，故與子正書及之。非欲附會其論也。樂府所載，抑揚存乎其中。鴻鵠無翼，浮雲蔽日，云者亦指當日事。其比之伊呂者，詩人反言，例如是也。何足怪。僕平生自付以熟，雖一家人訖

論亦不苟同其視榮官若浮苴汎梗然若欲鑽進則自求之於
自家何必遠歸新交以厚貽人笑罵耶任李之相親非獨今日
其欲汲引正恰我流落栖遲豈曰議論心事之相同乎任之用子頤
鳴蓋人無間言猶疑於僕寃孰甚焉夫已氏以毀板事茹怒不得
逞吹毛覓疵無所不至此言雖巧人誰信之來岩雖有人議自是
岩穴間介士交之者不附會其論則奚是傷焉彼所附托而婢膝
奴顏者是何家耶而敢嘔之毀人之交某親某也如使僕出入於權
門則彼將何以藉口耶年來胥胥甚頑但職之外省兄亦不得
數欲解仇人之怒同候誦笑懶不敢為矣設或往其門遭禹水
曹之辱也必矣故茲負勤教耳只此不既

荅李生書

辱惠書詢以不朽大業甚盛心也而僕之謏陋何足以揚權萬一乎

援在上張兒劉陷於自欺之地乎追山郡豪之死其諸子孫謀所以中僕者千計
此是此邪萬方凡樓題有鄙名者悉撤去之海城及柳泰判永吉朴黃州東說
大訴書等詩俱毀棄之訴於三家故伯進信先入之言信而不解前日花潭書
中段

院上梁文以不佞、佛命去、僅名而以家兄名代書者所以報怨也斯
豈君子之用心耶詩板毀撤之禍流于士林者明有前驗僕妄庸稍
知國朝以來四事詎更效金季盪率角之尤以自蹈奇禍耶承宣
叔之間有下高下通塞有令伯進安敢自專乎僕四十已為上大夫
官是少司寇比諸茶園玄亭所得已多掛冠鴻裳當享物外清
福向人喉下媚語以自解吾不忍為也然切勿使伯進知之恐益增其怒罵也

與柳侍御書

昨辱軒騎以兄方在醉鄉故不得畢其說焉形諸簡牘似涉大煩
而言義其端豈可終嘿兄其試聽之癸卯歲罷官游風岳路抵鉄

原宿于豐田社二里民家有一老婦邀入其店房室甚潔鋪設亦
楚々怪而詢之婦言世居鄉校洞布前廊後其夫劉世英出入於僕
外家詳知先世事且能呼婢僕之名問何以居此婦感額曰壬辰歲
從夫侍姑避兵于此賊乘夜猝至夫蒼黃負姑而出伏於林藪逢賊
斃於一刀有兒子啼於草間驅而去及曉血肉狼戾手握而坎瘞之
因依土民明年賊退鳩人改室遂賣酒而生洛下無宗黨遂寓此
而以春秋祀二墳將以終吾身矣僕問兒終不返乎婦曰癸巳從王
子出來今在一官尚不來省我矣僕感其事作老客婦怨一
篇首有東州城東寒日曛空蓋山高帶夕雲之語看者誤
以為指斥宋公傳播於人也宋公之日夜切齒於僕必欲甘心者
寔以此也目同時避兵人聞宋公遭變之事曲折甚詳是不過
逢賊顛沛失其父之所在及回來則賊已害之終無可奈何彼

然竊怪生之問不及於先秦漢唐所稱大作家者狎諍之吾東是
何卑論耶吾東僻在海隅唐以上文獻追如雖乙支真德之詩彙
在史家不敢信其果出於其手也及羅季孤雲夢士始大厥言以今
觀之文非以姜詩粗以弱使在許鄭間亦形其醜乃欲使盛唐爭
其工耶麗代知常之窺一斑亦晚李中樓麗者仁老奎報或清
奇陳洋洪侃亦腴艷而俱不出長公度內耳及至益齋倡始稼收
繼躅圃陶惕李葉名家逮四初三峰陽村獨擅其名文章至
是始可稱達追琢炳煥足曰丕彰而中與之芳文靖為鉅焉中間
金文簡得圃陽之諸人謂大家只恨文窺之透不高其後容裔相
詩入申鄭亦瞠乎其後蘇相又力振之茲數公使生中四則詎盡
下於康李二公乎當今之葉文推崔東阜詩推李益之俱是千
年以來絕調而儕類中汝章甚婉亮子敬甚閎伉此外則不能

知也文章雖曰小技無學力無識見無功程不可臻其極所臻雖有
大小高下及其妙則一也我東人不傳古故無學力不就師故無識見
不溫習故無勇程無此三者而妄自標榜以為可軼古人名於後世吾
不敢信也僅十二失嚴訓母兄怜愛不加督責稍長見有習科業者
從而效之遂有速化之心讀六經諸史略遍已解大義不肯俸認沉潛
豪膽妄膽一日誦數萬言口角瀾翻人以為聰捷絕倫僕亦自誇殊
不知問學及文章初不在於託覽之富也仲兄自謫還始教以古文
從西崖相學詩從蓀谷學方知文章之徑在是不在彼稍欲入門
為俗累所牽出既聯擢巍第以疎雋少檢擯於世遂杜門盡其業
于今十有六年所成就吾不敢知雖清厲深涵獨造為宗者少遊
於濟流而包函蘊蓄信手拈來行所當行止所當止沛然如巨浸
稽天貝宮蜃闕或間以矚山鰻屋亦不廢其鉅者此諸數子頗有

寸長知識者之見許否雖然若無師友淵源之傳又安得有此乎兄
姊之文得於家庭而先大夫少學於念齋念齋之師成虛白倪學於
其兄侃及金華崖守溫二公皆柳秦齋之弟子柳公是文靖公得
意門人文靖游學上國翱翔禁林久在虞道園歐陽圭齋門下
被其獎誨至有衣鉢海外傳之語圭齋江西人親事文獻諸公
耳熟后湖誠齋遺訓而臨川南豐六一山谷四老之烈尚甬班以
是學業傳受于牧老吾東文事之稍覲源委者悲由牧老之
東還豈不韙哉汝章先人學于駱峰駱峰容齋之所推獎
而子敏又其曾孫亦家學以茲者申李二公俱得佔畢餘學而
佔畢之父師治隱治隱師陽村兄弟而牧老又其師也亦同輩斯
凡為詩文者畔此而別立門戶者非妄則僭也未書稱崔白二家
在唐亦可名家而恨境狹耳所云鵲溪霽峰則僅未嘗覩

其全集爲散容喙哉方赴秋官讞訟當因呼促草奉覆
不盡欲言容更面既不具

記

愛日堂記

江陵府之三十里有沙村東臨大海北眺五金青鶴菩薩賢等諸山一派出百屏山而注于村中環川而居者上下數十里殆數百家皆依兩崖而面川開戶川東之山逆趾全而來蜿蜒如龍至海上斗起為沙火山成成之下旧有大石當川之潰老蛟伏其底為嘉靖辛酉秋蛟決其石去分兩段而呀如為門後人号曰蛟門岩稍南有一阜當中名曰双閑亭府人朴公達朴遜良之所游故以名之其山形水勢巖崿而沉深氣扶輿滄故其中多產異人焉余之外王父希判公擇地之最近於海者構堂其上晨起拓窓則可見日出而公方侍慈親當喜惧之年故以愛日而扁之吳黃門希孟以大顗之龍太史用卿作詩以咏一時諸名人無不屬和堂由是而擅名江陵也壬辰

秋余待母太夫人避賊自北方舟泊于蛟山掃堂而居之蓋去外王父捐館之歲今四十三寒暑也。庭除不葺而野蔓榛翳羅生檜蔚垣藩圯缺屋宇將挫屋圻壁剝詩板半無存者而漏汚梁桶或有朽者窓櫺戶牖有壞敗者母夫人為之哭涕余亟督奴隸糞其穢脩其葺而洒掃以處之噫先祖之費力經營為奉老之所者如是勤渠而後孫衰弱不能庇數椽之室將至頹廢其罪大矣余雖不敏適侍老母嗣守茲堂其愛日之念豈替於先祖乎惟當竭力量心拮据苟安俾安母夫人之志俾修先祖之業優游安處以終吾世則庶幾下從外王父於九原也歟遂記之以示後人云

盤谷書院記

沙村之西十里兩山合而川流滙其中工有出谷壩然而窈深清湍錦石暎帶於上下入谷不一里有崖石當川之東水激而成瀑飛

沫雲濛拜殿如雷楓松檻杳天曠日其森邃清爽可合遊人之
栖遲也余外舅直長公作舍居之名曰盤谷書院公獨倘有奇氣
力學富有詞章屢屈於南省常有物外志欲效向子平而以親
老未果及共怙恃乃棄官為五嶽之游深悟禪機透見性源一年
過半住金剛山而雖在家亦以韻釋一二目隨時為无所畦之行以玩
世之人不知而譁笑之亦不恤心獨喜自負也晚年構此院陳藹書
千卷槃礴其中作詩以自娛年八十而終人或以為化去云公之冢嗣
君嗣居之一日拉余以游則夫澗桃樹百餘株花半落錦浪涵而出
芳野卉惹情可愛好鳥下上於林間嚶鳴百般似弄游人松陰布地
承以苔毯兄為設醴肴令待妾謳以侑之少醺礪石而濯足晞髮
陽崖俯仰天地浩有憑虛之思甚愉快也酒半余語兄曰皇天不
吊時方事干戈京國貴冢失其先業流徙破產栖栖莫之厭

居者皆是而吾江陵人徑禍不酷邑里間舍瓦一發火毀吾兄恪守先人遺業其畝籍畧用瓦一汚失者且優游偃息樂以終年是羅祖先積累天所陰佑而吾兄之不替堂構為良子孫者其出恒人萬之也豈不韙耶兄喜曰然可為我紀此語識之壁也余遂援筆載之

鼈淵寺古迹記

江陵府之南有大川之南有鼈淵寺之後岡為蓮花峰故老傳周元公之母蓮花夫人居于此故以名峰而寺則其故宅也寺之前有石池名曰養魚故老又言溟洲時有書生游學于此其室女有約其父母不知而將嫁之女以書授池中尺鯉致于生得諧其緣志輿地者信之載諸古迹箋曰或云咸東原傳霖也余竊疑之峰既以夫人名之則寺之為夫人家明矣寺構於新羅則府尚

為東原京安得曰溟州而寺之中安有人乎室女而居者乎況戚公
國初勇臣原係府籍人亦安能及見歷初溟州時而稱之曰游夢到此耶
其証因之端不一而訛以傳訛恨不得博攷掌故以破其惑也歲而申春
寒岡鄭先生以方伯巡到平昌郡、在東原京時属于府故郡人至今
有言府之事者先生詢問故牒得故記於其首吏來示余乃知府事李
居仁所述文甚多其中載蓮花夫人事甚詳曰新羅時溟州為東原
京故留後官必以王子若宗戚大臣將相為之而凡事便宜行然陟其所
隸郡縣有王弟元月郎者幼年來領其任留務聽佐貳者代理而辛
花郎徒游戲於山水間一日狝登於所謂蓮花峰有處子兒甚殊浣
衣於石池即悅而掩之處子曰妾士族也不可以奔郎若未婚可行婚
約而六禮迎之未晚矣妾已許身於郎誓不他從也郎許之自是
間遺不絕瓜瓞即敝鷄林半載元耗其父將嫁諸北坪家人子已

下日矣夫人不敢白父母而心竊憂以死自定一日臨池想旧摺語池中而
養金鯉曰古有双鯉傳書之言徐受吾養多矣不可致吾意郎所
否忽有尺半金鯉跳出池側口呀呷似有諾者夫人異之裂衫袖書
曰妾不敢背約而父母之命將不得違郎若不棄盟好赴某日至則
猶可及已不然則妾當自尽以從郎也納之魚口中持以投大川鯉油
然而逝其翌曉元月郎送吏於關川投魚官索膾魚有金尺鯉在箬
間官以似郎鯉托擲振迅若有訴者俄吐沫涎升許中有素書異
而讀之乃夫人手迹郎即携書及鯉告于王王大異之放鯉于官池
至今一貢大臣具彩帛偕郎馳往東京即信曰并行僅及其期至
則留後以下諸官州父老皆會帝命盤筵甚盛守門吏怪郎來傳
呼曰元月郎至矣留後官出迎則大臣從焉遂具以告主人止坪郎
已至大昌急人止之夫人先一日稱疾不梳洗母打之不聽譴誨方至聞

卽之未收起理糶改服以出克詣秦晉之好一府人皆驚以為神也夫人生二男長卽周元公季卽敬信王也方羅王之阻先嗣巫人皆屬望周元其日大雨水涸川平漲周元在川北不得渡三日國相曰天也遂殺敬信以周元之當立不立封于江陵環六邑以奉之為溟原郡王夫人就養于周元以其家為招提王一年一來省焉四代國除為溟州而新羅亡焉余親此始悲養魚池故事若披雲見日蓋之府故老之間而撫輿地者之陋也余先妣乃周元之裔則夫人亦余之祖先也其敢久加以他人名而溷辱吾所自出乎因脩記以為府之掌故云

慟哭軒記

余猶子宗者搆其室扁曰慟哭軒人皆大笑之曰世間可樂之事甚多矣何以哭為室扁耶況哭者非喪之子則失恩婦也人甚惡聞其詳子獨犯人忌而揭其居何哉宗曰余背嗜而違俗好

者時嗜惟故吾好悲俗則欣、故吾且戚、至於富貴榮耀世
而喜者則吾弃之若浼惟視賤貧窮約而處之必欲事之而違
之常擇世之所厭惡者則先踰於哭故吾以顧吾之軒也余聞而
諗諸笑者曰夫哭亦有道矣蓋人之七情易動而感發者先哀若
也哀至則必哭而哀之來者亦多端故傷時事之不可為而慟哭者
賈太傅也悲素絲之失其質而哭者墨翟也斂跂踞之東西而哭
者楊朱也途窮而哭者阮步兵也悲時命之不偶自致於人外而寓
情於哭者唐衢也之數子者皆有恠而哭非傷雅拙屈而屑、效兒
女子之哭者也今之時比數子之時又可求矣國事日非士行日渝交
朋之背馳有甚於路歧之分而矣士之厄困者不啻於途窮皆有通
去人外之計若使數君子者目擊斯時則未知當作何如恠而將慟
哭之不暇皆欲抱石懷沙與彭咸屈大夫也棄室之痛以哭亦出乎茲

諸君毋笑其哭可也哭者唯而退因為記之以釋羣疑

醉鶴亭記

堂侄李君長卿寓居楊山之北前臨海水後以長松百餘株為藩垣築其曠而出遙地之夾塏構屋以燕處名之曰醉鶴亭余同其義君曰吾雖失業而得田十餘畝於海上力耕而食之粗足饘粥以其羨釀酒而飲之吾素不能烈飲數杯則醺酣暢怡愉終日不知窮愁之習乎念陶之為自適其適家養一鶴放之松林間清宵長戾群戛之聞于天余敲竹杖以呼則鶴必翩跹而至余前案節而訝拍手以和則輒扣翼蹁躍以舞完搏連軒逐曲低仰歌竟乃已當舞之時余心極懽與醉於酒辭異也古人慕樂天而曰醉白愛墨竹而曰醉墨吾少飲酒輒醉與惠飲者敵而又醉於舞鶴也若是則亭名以鶴不亦宜哉余曰吾聞今矣雖然酒者所以

忘憂也濫而為酒池糟丘則夏商以亡焉鶴者所以賞潔伴閑也流而乘軒者三百則衛以之亂焉凡物之為尤而醉於心者則輒有禍隨之今君之於酒與鶴母乃好之篤而反招其咎也耶君曰否不然此皆有國而司治牧者也不保邦貽民而惟酒鶴是耽宜其敗也阮籍劉伶雖主苦酒適足以為放達而林逋雖愛鶴亦是見其高曠矣足為身害也柰益其過焉耳吾無民社之寄戢事之摩吾不愛酒好鶴而惟愛好之耶余聞而退遂以此記序云

凌波書室記

余冷友李君劼氏宰龍安五載治有效彰屢蒙盛稱稱籍湖南余固聞而艷之卒承歲余暇徙咸山遠近其邑尤聞所不聞焉侯一日來訪余遂張語從容余偶及薦紳士官罷無所暇而目問侯官滿則何之侯曰吾有親在輦下當就昏晨矣若小不滿意

則吾不患先所敗吾先業在松楊根鄰之南有上交岩、斗臨大江而負之山曾峭仄疊下壑滿瀨曰回基構書屋其上欄摘窓棐悉面於波上敞而卧則如航諸積水中潏而瞰則泓漻澄澈可辨水底游魚目影激射則清暉蕩漾於楫棟以勝聚之得於波為家故益曰凌波書室江之北對龍門山彩翠烟嵐輝映於几席胡舍異態而峰嶂倒影於波中歷之可枚數東眺超翼山日出族雲霏靄解霏莫可名狀前眺江郊十許里白沙青草渚繞徑緯於眼底而江上流自五金四郡每楫之下下往來者必徑于檻前風帆柔櫓出沒於烟濤杳靄之間若助其奇現吾甚樂之杖屨而逍遙容與賞岩花延晝涼楓霜紅酣峰雪積玉則四時之景備矣牧牛朝放賓鴈夕集亂漁火於盤灘流曉月於沙渚則昏曙朔合之觀諒矣且有五畝地力耕則可以饗粥吾於此婆娑晚境足矣官祿真不寄

焉耳何物臭腐散南溟人乎余聞而喜曰僕可謂矣夫世之人醉於
名利適之不止雖知罷死所敗而苟安目前不肯營退去之所雖或謂
此境而溺於形勢之塗亦不之顧念者溺皆是其中稍解事者亦
或以費絀計拙而不克遂為近世大夫士之顛頓狼狽者皆不出此者
其亦可悲也已今侯能起先業專勝境雖銅章在肩而常有暇
休之地拂衣則便享其清福其矣於近世大夫士較著明矣雖然
侯以循良馳名重書胡合下則其陞郡若府以高第入為卿寺
可執奏待也當是時雖欲退其可退耶若余稍解事而計拙費
且絀有志不退屢陷機穽其有愧於侯多矣徹天幸赦之改田則
江之上為先壠其返初服於松楸也路必出侯書室之下當職防岩
上徘徊瞻佇為侯詠主人來少客來多之句亦不負湖山清賞也
侯聞而捧腹遂書以記之

巡軍府君廳記

唐戊冬余以殿試對讀官而佐子中第兩司以為私交章請鞠真是其訟下于禁尉初入之夕見同監諸邊將各以木削成男子勢問之則曰巡軍府君乃女人也深喜此故囚者以是禱福余曰使死无知則已有知安敢戲為慢神瀆禮此為甚焉求以獲祐不亦左乎既而就寢夕詣神宇則神年十六七姿容都雅不施粧上服紫綵襦下曳淡黃絕裾鬆髻元并釵頻蹙而坐欹容豐白大夫明智君子也向夕之言深愜妾意所以奉屈箕蓬出窻余拜興神起拱余每拜曰妾礪良大姓也永樂年間父為贅成事家多媵侍妾十七未適人園花方盛與諸女侍看月於後庭夜三更獨寢於前軒有惡少踰垣搏而欲淫妾呼斗力掙惡少恐有覺拔刀刺腹踰南牆去其外即陰書生舍也迨明家人迹之血痕其牆甚

以為生殺妄下巡軍獄三司難治拷掠甚衆自誣服將結案
先一日妄見夕於委官柳廷顯曰明日午有大烏蝶臂於判府
帽脚即蕝吏逐之則盜自獲也一宵遍於三司多官追明諸官
會以夢徵之則皆符焉怪而俟之及午果坐于判府事柳現軟脚
遂命郎吏逐之得盜於馬市街蝶上其曲柄並傳致于府一訊而承戮之
妄之仇復而書生之冤釋焉府人以為神曰渠豈而香火之于今二百年雖芳
蕊不絕而桑中之辱日踵至焉妄淫恥之死以為寤是以獄係者不得理或久
滯至死皆妄憤之使然世人愚以傳愚不能改亦可憐矣今假大夫之明欲曉世
大夫其善辭又曰公厄重若恩譴則南方家吉也余告辭曰敢不以明神所詔
之人乎遂起揖醒然悟噫其灵歟坐以告同繫者咸曰悲焚之諸將軍相繼
既釋而吾亦南徙其亦微也夫巡軍古禁符之名傳報慣之至今稱巡
軍故名其神如是云

傳

張山人傳

張山人名漢雄不知何許人也自其祖三世業瘍醫其父嘗餌商
陸能視鬼而役使之年九十八如四十許人出家去莫知所終臨行以
二卷付之乃玉樞經及運化玄樞也山人受之讀數萬遍亦能呼召
鬼神治瘡瘍輒已之四十出家入智異山晉逢異人受煉魔法又
讀修真十書坐空菴不食三年餘一日行峽中二僧隨之至林薄間
有双虎出而伏迎山人叱之虎拜耳搖尾若乞命者山人自騎其一令
二僧並跨其一至寺門虎伏而退去住山十八年而回至洛居與仁
門外六十而兒不衰冷室有宅岳不可入其主清穰之山人夜詣之
有神二人來跪曰吾門竈神也有妖蛇據之售其奸請誅之即
拍庭中大槐根山人呪水噴之有頃大蛇人面者目如鏡蜿蜒以出

以為生殺妄下巡軍獄三司難治拷掠甚衆自誣服將結案未
先一日妄見少於妾官柳廷顯曰明日午有大烏蝶臂於判府
帽脚即發吏逐之則盜自獲也一宵遍於三司多官追明諸官
會以夢徵之則皆符焉怪而俟之及午果坐于判府事柳現軟脚
遂命即吏逐之得盜於馬市街蝶上其曲柄蓋傳致于府一訊而承戮之
妾之仇復而書生之冤釋焉村人以為神因殂墓而香火之于今二百年雖亦
惑不絕而桑中之辱日踵至焉妾淫恥之死以為寤是以獄係者不得理或久
滯至死皆妾憤之使然世人愚以傳愚不能改亦可悼矣今假夫之明欲以曉世
大夫其善辭又曰公厄重若恩護則南方獻吉也余告辭曰敢不以明神所詔
之人乎遂起揖醒然悟意其灵歟予以告同繫者咸曰悲焚之諸將軍相繼
踦釋而吾亦南徙其亦徵也夫巡軍古禁符之名僅報慣之至今稱巡
軍故名其神如是云

傳

張山人傳

張山人名漢雄不知何許人也自其祖三世業瘍醫其父啖餌商
陸能視鬼而役使之年九十八如四十許人出家去冀知所終臨行以
二卷付之乃玉樞經及運化玄樞也山人受之讀數萬遍亦能呼召
鬼神治瘡瘍輒已之四十出家入智異山曷逢異人受煉魔法又
讀修真十書坐空菴不食三年餘一日行峽中二僧隨之至林薄間
有双虎出而伏迎山人叱之虎拜耳搖尾若乞命者山人自騎其一令
二僧並跨其一至寺門虎伏而退去注山十八年而回至洛居與仁
門外六十而兒不寒冷空有宅岳不可入其主清穰之山人夜詣之
有神二人來跪曰吾門竈神也有妖蛇據之售其奸請誅之即
指庭中大槐根山人呪水噴之有頃大蛇人面者目如鏡蜿蜒以出

不半日而斃令焚之宅遂清與人遊前串投魚山人擇死者
盛於水盆以已藥投之魚更活洋洋然人試以死雉又以已藥納
口中即奮迅而活人皆怪之曰死人亦可甦否山人曰凡人生而或真情
三魂七魄雖宅舍者三年然方絕不可藥返之也山人膠為不解文而
文自好且稱雀眼夜不出而能於昏讀細字其他雜技戲於布袍盛
酒低觀構火等事眩耀世人者不可紀上人李和方有名山人弟視
之常觀其美今有謬則山人輒改之言皆中和不敢贅一辭和曰山
人左右常有三百神衛之真異人也壬辰亂山人年七十四處其家分
與諸侄一衲携杖五月入逍遙山諸僧曰今年命當訖須焚葬之未
久賊至坐以受刃其血如白膏立不僵俄而大雷雨賊惧而去山僧茶
毗則瑞光矚天三晝夜得舍利七十二粒其大如芡實色紺碧藏之塔
中是年九月山人至江華鄭甯家甯不知其死留三日去自言往金

劉山明年方知其死人謂鈞解也爾亦遇異人喜占侯風鑑像緯家言多奇中為翁郎不受或言其能役鬼早卒

南宮先生傳

先生名斗世居臨陂家故饒財雄於鄉自其祖父二世皆不肯推擇為吏斗獨以博士弟子業起家年三十始中乙卯同馬有輝塲屋間帝以大信不約賊魁津解人皆傳誦之斗伉儷自務儉劉忍敢為恃才高橫於閭里倨不為禮於長吏縣上下俱側目於斗而積不敢蒞始先生移家輦下為進取計而留一妾於鄉墅每年秋輒暇經紀其務妾即兵家女而艷慧甚教以書計詠捷絕倫斗絕嬖之其在洛也則曠居累月故潛與斗之堂侄異姓者私戊午秋斗以事急還鄉未及一舍而日暝留儻從獨一騎馳至墅則已燃灯矣僕隸咸休中門洞啓見妾艷極麗服玳瑁階而堂侄者踰東垣垣足未

及地者半咫妾遽前樓抱斗忍怒而姑徐徐其終繫馬於外門柱
潛見蔽於隙中以窺之二人者諧謔袒褻將解衣并枕斗方窮
其窠孰暗裡摸壁則掛簾有二矢一弛遂開而注射先貫女脰腹
立潰其男驚起跳去又射之中脅斃斗欲告官以點汚門
戶且難保長吏心即率二屍埋於稻田漬內即疾馳回洛遲明家
僕覺之意其與堂侄逃問侄家則亦莫知所之有庄奴常斗殺
百許石常恐斗來則必死殺斗之殺二人尋其迹田漬有膏沸於水
上鋪蕞之二屍俯仰焉即奔告妾家老革告于令引男家証有宿
怨令與諸吏固不肯快於斗俱喜而欲甘心以私嫌謀殺堂侄為案
械斗於都下五毒備慘搯至尼山斗之妻負幼女追至醉守者
夜脫械逸去天亮守者覺之跡不獲以其妻致縣並女瘦死獄
中波池園田藏獲狼藉分析二仇家斗即入金屋山落髮為僧

法名提持戒行甚嚴過一瞬仇家迹知之平吏士掩之其曉夢有
山神告曰寃情至可亟去既覺急下山捕者至不獲而返斗向頭流
山居双溪月餘歇名刹僧俗所湊集奔向太白山至宜寧野菴憩
焉續有一僧至年秀年少解襟距堂廉睨曰君士族也何晚削予
俄曰性忍者少頃曰業儒而得一名也良久笑曰傷二人今負罪逃若
族四言皆合斗大賊錯愕失措夜就其寢扣頭腹索且請教甚懇
少年僧曰我只解相人耳吾師多執相某人當傳某執或符咒或象
緯或堪輿或推占隨其咒誘振之我象相法尚未造極安敢為人
師斗問師今焉在僧曰住茂朱雉蒙山徐徃則可見斗拜而退暹暘
徃俟則已去矣即回錫到雉蒙山環山伽藍殆數十區徃无異僧苗
歲苦心赤訪曾磴絕巔鳥迹所不到處披覓三四周而不能得乃施
少年僧相誑悵然欲返忽到一處有川注於林薄間流出大槌掬斗

心欣然曰是中莫是仙師所否促步沿流可數里許仰觀一峰陡
起松栢弱日有素屋三楹倚崖而構砌石為室位置清壇攬衣徑
登其上則有一小童近問曰何方來斗揖曰拯持耒耜仙師童聞泉
偏左園子有老僧形如槁木披破衲出曰和尚風神凜溢非恒人也曷
為至斗跪曰愚魯無他技聞老師多藝欲行一方技以行世斗里求師
而求週一歲方得樞衣韋進而教之長老曰山野濱死之夫耳安有執
耶斗百拜懇乞固拒之閤戶不出斗伏於廡下達曉哀訴至朔不休長
老視若無人跌坐入定不顧者三日斗愈不懈長老方鑒其誠聞戶令
入室之大方丈只安一木枕設坐龕為六谷籙因而掛一已於龕柱南窓
上懸板五六卷書而已長老熟視之笑曰君忍人也推朴不可訓他技
唯可以不死教之斗起拜曰是足矣奚用他為長老曰凡諸方術必
先聚精神而後乃可成矧煉魄飛神欲求仙蛻者乎聚精神自

不睡始你先不睡斗到此四目而長老不食飲惟童日一食黑豈末一合
了先飢疲色心已異之及承此誨至誠養大願初夜坐到四更眼自合
忍而至曙第二夜昏倦不省事刻意堅忍三夜四夜倦困不能植坐
頭或撞於壁相猶忍過第七夜脫然朗悟精神自覺醒爽長老喜
曰君有許大忍力何事不可做予因出二徑授之曰伯陽系同契乃修
煉至訣此家真工乘黃庭內外玉景經乃導氣煉臟至要亦道
家妙諦讀之萬遍自可悟解今日各誦十遍又曰大凡學飛昇
者斷除念頭安坐煉精氣神三空令坎為龍席交濟成丹是大
捷徑而自非上智共宿崇不可猝為君性朴固忍難以上乘訓
之姑先絕粒為下學上達計也凡人之生稟精於五行故五臟各主
五行脾受土氣人之飲食皆吸於脾胃雖以穀精強健先疾而氣
引於土終至於魄斂乎地古之辟穀者皆謂此也君試先辟穀即

令斗日再食七日又一飯一粥七日減一粥更七日以粥替飯過四七日
撤飯粥以已開工龕鑰取茶盒二個一黑豆末一黃精屑桃各一匙和
水餌之日再為斗食腸素寬飢之殆不可忍身瘦脊僂眼昏花不
辨物猶忍之服黑豆三七日忽若充然不思食即令餌柏葉胡麻遍
身生瘡疼不能忍又百日亦脫肉生方如常長老喜曰君真利鬼也
但息慾念留三年讀二訣九萬遍膏次洒然若有神會長老教以
數息既又教之運氣之已運矣遂以子午卯酉行六子秘訣呼吸道成
顏漸腴氣益爽萬念俱灰居六年長老曰君有道骨法當上升下此
則不失為喬耄矣欲念雖動地忍之凡念皆食非色一切妄想俱害
於真湏空諸有靜以煉之曰空第二屋坐斗其中教以升降顛倒之
法口訣諄至斗依所訓兀然堅坐不動閉眼內視長老時甚寒燥飢
飽以保持之一日覺自工勝如小亭狀甘涎注舌上告長老長老令徐嚥

故腹中喜曰黍珠基立可運火侯即掛三方鏡于壁植七星劍
二口於左右禹步呪祝畢以却魔成道煉炁六朔丹田充盈若有金
彩蔭於胯下斗喜其將成欲速之心迺蔭董等不能制妬女為火
上燒泥丸絕叫趨出長老以杖擊其頭曰噫其不成也亟令斗安坐
降氣之雖制伏而心冲之終日不定長老歎曰曠世逢人教非不盡而
業障未除遂致顛敗君之命也吾何力焉因以蔭茶飲之至七日心
方恬而氣不上炎長老曰君雖不成神胎亦可為地上仙少加搏養
則八百之壽可享矣君命當有子洩精之竅已塞可服藥以通之
出二粒赤桐子丸嚥之斗請曰庸醫不任教自我命薄夫何恨第
子侍師七歲于茲尚不知師之不處幸賜其詳慰異日而往之誠
若何長老笑曰他人問之固不敢言君能忍者故告之詳我即上洛
大姓子太師幸之曾孫也生於宋熙寧二年十四有風癩父母不收

桑之林中夜有虎攬而置諸石室吮其乳其二子其旁終不害
意痛方極恨不速斃於其牙齒有草羅生於崖竅葉數根大
試洗而食之腹稍果食數月瘡漸損稍自起立遂多掘而頓食之
殆盡半山幾百日瘡悉脫遍生綠毛喜而強食之又百日自舉
候昇於峯巔既已愈其疾不辨故邑來踰方輒遑靡所之忽有一
僧過于峰下順身就其途還曰此何山也僧曰此乃太白山而地係
真殊府也近有寺否曰西峰有蘭若踰絕不易攀陟吾即飛至
其庵禪窻盡閉圓甬無人手開廊戶行到中窻有一老病僧擁
布褐隱几而喘寒死擡眼見之曰在夢老相言傳我師秘書者
今當至相君面真其人也起解囊出一函書授之曰讀此萬周其
義自見努力勿怠吾問其熟傳曰新羅義相大師入中原逢高
真人授此書臨化囑我二百年後當有傳者應其識可受持勸

吾得所傳從此逝矣。跌坐寂然而化。吾即茶毗之得紺舍利百粒。藏之塔中。解函視之。乃皇帝陰符及金碧龍虎經。並同契黃庭。內外經。崔公人華鏡。胎息心印。洞古定觀。大通清靜等經。就其庵狎居。修煉魔鬼萬方。未撓以不聞不見。消之兀若志。十一年乃成神胎法。當解去。上帝命留此。統東國三道諸神。故留此五百餘年。限滿則當上昇矣。吾經歷數十人。或氣過銳。或太鈍。或少忍力。或得淺。或多慾念。俱不能成。若有成道者。吾當舉授。吾任上啟玉京。而曠百年不得一人。我塵緣未盡而然也。斗此長老。久同寢。常怪其秘。將下寸地。不許人見。問其故。欲觀之。長老笑曰。何容易。耶。見則恐驚君耳。斗曰。奚驚為。願一見。長老解下衣。金光百道。射於屋梁。不能定視。蒲伏於榻。長老還。色如故。斗又曰。師既治諸神。何無一個未修觀者。長老曰。吾飛神而受其朝矣。又請觀諸神。曰。可待明年。

上元也至期長老出龕中衣箱戴八霞方山中服七星日月綉袍係
圓青玉束獅帶穿五花紋履手持八角玉如意跌坐伽藍上斗雲
侍童子偶立忽於金上堆檜各掛彩花燈俄而滿洞千萬樹俱各掛
花灯紅燭漲空如白晝有奇形怪狀之獸或熊虎或獅象或豹而双
脚或蛇形而翼或龍而無角或龍身馬頭或三角而人立或驟或人面
三眸者以百數又有象獐鹿羆形者金目雪牙赭舌霜蹄天矯擎
攫以千計俱羅侍於左右又有金童玉女捧幢節數百人介戟具三
伏者千餘人環立金上众香馥郁瑱珉丁東續有青衫象簡佩水蘂
戴弁者二人鞠躬階下唱曰東方吐豪林廣霞紅暎山三大神君見有
三神俱頂紫金梁冠紫袍玉帶端笏雲履仰鈿珩者頌而哲長眉
目皆朗秀長光起立拱手三神皆再揖而退又唱曰蓬壺方丈圓嶠
組洲瀛海等五洲真官見有五神各披方色袍冠佩如前而俱頌秀長

先起立五神皆再拜而退又唱曰東南西海長堆廣野沃焦玄隴地肺
搖真女几東華仙源琳宵等十島女官見有仙女十人俱戴花絨金
襪巾挿赤珠步搖珠翠玲瓏映其面不可近視服素練金鳳紋衫
施翠羅襴膝長裙佩太乙靈符絕奕有電光穿綠花方底履頰長
而男子拜長老不起坐受之女官退又唱曰天印紫蓋金馬丹陵天果
南壘穆洲等七道司命神將見有紅抹額挿羽衣袴褶綉花掩心金
搭肘佩方弧服手朱芡而俱獅形虎姿植赤髮金目虬髯者揖
不拜退又唱曰丹山玄林蒼兵素泉赫野等五神兩僊山林菝葐嶺瀆
城隍諸鬼伯鬼母俱見五大神將如七道神形者各領一隊百餘靈官
或短醜或長大或潔脩而雅或六臂四目者女或老醜或妍少者被
服俱隨方色列立四拜退為五隊長老令小童持小絳幡從北方
指東隈南抵四立于中陽之前告曰諸靈俱會而魏州趙夫人至

矣素臬神出詔曰他以謫今降為人其代不來矣長老招廣霞
三真人至前謂曰卿軍分理三方体上帝好生之德黎庶受卿降
久矣今者厄會將至萬姓當罹其殃思所以拯之奈何三人者俱
涕泣曰誠如所諭昨者蓬萊治水大監自紫霞元君所來過紅暖山
言众在真九廣殿上侍上帝有三岳帝君道閻浮提三韓之民機
巧姦騙誑惑暴殄不惜福不畏天不孝不忠嫚神瀆鬼故惜勾林洞
裡面大魔捲赤土之兵往勦之連兵七年國幸不亡三方之民十奪其
五六以饗之臣等聞之亦皆心恹而大運所開何敢容力乎長老亦嘆
吁不已俄自中隊蒞炮一響四隊皆應擂鼓戍金以助之樹上蟬落
地冒然出谷太雲平鋪長老入房襟其冠服明灯坐空中斗愕眙自
失者久之翌日招斗謂曰你既緣薄不合久于此其下山長髮餌黃精
拜北斗不殺姦盜不茹葷狗牛肉不陰害人則此地上仙行脩之不息

亦可上昇矣黃庭系同道家上乘誦持不解而度人經乃先君
傳道之書玉樞經乃雷府諸神所尊佩之則鬼畏神欽此外修心
之要惟不欺為上凡人一念之善惡鬼神布列於左右皆先知之上帝降
臨孔迺作一事輒錄之於斗宮報應之效捷於影響昧者褻之以
為茫昧不足畏彼烏知蒼之上有真宰者擇其柄耶俗忍心雖
劉而慾念不除倘或不慎則一墜異趣曠劫受苦可先慎哉斗帝
泣而受其悔即告辟下山回視則元復人居焉轉展至臨陂則田
元遺址田畝皆再四易主又屆洛下則故宅只有基柱礎礎橫於甬
中忍淚而故常念有先家奴在海南富有田宅往投之而初不識焉久
乃認為其主相持号慟空其居而處之為娶民家女生子女各一先生雅
更立家業佩服師訓終始不少懈去隱于龍潭地擇深谷以居為
近雉裳真再遇仙師計而數十年採黃精松葉食之神日益強積

髮不自步履如飛萬曆戊申秋僕罷公州家扶安先生自寧
步訪於張邱因以四徑奧旨受之且以遇師顛末詳言之如右先
生今年八十三而容若四十六七歲人視聽精力不少衰瘠瞳綠疑
惛然如瘦鶴或數日絕食不寐誦茶同黃庭不掇輒曰女陰行陰
母曰无鬼神行善積德絕慾煉念則上仙可立致焉鶴不日下迎矣
不佞見先生飲啖食息如平人怪之先生曰吾初擬飛升而欲速軍
成吾師既許以地上仙勤脩則八百歲可期矣近日山中頗苦閑寂下
就人寰則无一個親知到處年少輩輕其老醜了无人間臭味人
之欲久視者原為樂事而惛然无樂吾何用久為以是不禁烟火
抱子弄孫以度餘年乖化敝尽以順天所賦也君有仙才道骨力行不
替真仙去君何遠哉吾師昔許我以忍不能忍而至是忍之二字仙
家妙訣君亦慎持勿墜也留數旬拂衣辭去人言其還向龍潭云

外史氏曰傳言東人高佛不高道自羅遠解數千載未聞有一人得道
仙去者其果徵哉然以余所覩南宮先生言之可異焉先生所師者
果何人而得於相師者未必的然可信而說亦未必盡然要之影響
之間也但以先生年兒看之非真能得道者耶那能今而若是疆
健耶此又不可決以為定然是事也噫其奇哉我國僻在海外之
遐舉之士如羨門安期而宕石間乃有此異人累千百年俾先生一
得遇之誰謂偏壤而无其人耶達道則仙昧道則凡傳所言者
與耳食奚殊使先生母望其速成卒收炉鼎之效則彼羨門安
期亦何難相肩而等處之惟其不忍以敗垂成之勇嗚呼惜哉

蔣生傳

蔣生不知何許人而已丑年間往來都下以乞食為事問其名則曰
亦不知問其父祖居在則曰父為密陽座首生我三歲而母沒父感悼

妄譏然我至奴之家十五奴為娶民女數歲婦死因流之湖南西縣
十州今抵洛矣其兒甚都秀眉目如畫善談笑捷給尤工謳謠舞
絕動人帝被紫錦袂衣寒暑不易凡倡店姬廊廡不歷入慣交
遇酒輒自引滿羨唱極其歡而去或於酒半效盲卜醉正頓首棄婦
乞者老仍所為種之逼真又以面孔學十八羅漢死不或似又戲口作如
簫箏琵琶鴻鵠鵠鷺鵠鵠等音雜變真贗夜作鵠鳴狗吠則陰
鵠犬皆鳴吠焉胡則出乞於野市一日所獲錢三四斗炊飯煑升則散
他丐者故出則群乞兒尾之明日又如是人莫測其所為音遇樂工
李漢家有一釵鬟學胡琴胡夕此之熟一日失彼珠翠花鳳尾
莫知所在蓋胡街自上來有後年少調笑偎倚因而不見啼哭
不止生曰唉小兒何敢乃爾願娘死泣夕當袖來翩然而去及夕招义
鬟出迤邐西街傍景福西牆至神席門角以大帶綰鬟之腰

纏於左臂宿迅一踊飛入數重門時曉黑莫辨迺踏後抵慶會樓
上有二年少柔婦相近相視大噓曰自梁上墜嵌中出金珠羅綺甚
多鬟所失鳳尾亦在焉年少自還之生曰二弟慎行之毋使世人瞰
吾蹤也遂引還飛出杜城送還其家明朝詣李冢財言之則醉卧
斃人亦不知夜出也至辰四月初吉賒酒數斗大醉擲街以舞唱
歌不綴殆夜倒於水榭橋上遲明人見之訖已久矣屍爛為虫悲
生翼飛去一夕皆冬唯衣襪在武人洪世嘉者居于蓮花坊家與
之昵四月從李鑑防倭行至島嶼見生芒屨曳杖握手甚喜曰
吾宗非訖也向海東覓一國主去矣曰君今年不合訖有兵禍向
高林勾勾水丁酉年慎毋南來或有公幹勾登山城言訖如飛而前
須臾失所在洪果於金全之戰憶此言奔上山得免丁酉七月以某
軍在直致有旨於格里相補忘其我回至星州為賊所迫聞黃石

城有洛疾馳入城陷併命余少日狎游伏邪處之諧謔甚親
悉覩其技噫其神矣即古所謂鈎仙者流耶

論

遺才論

為國家者所共共理天職非才莫可也天之生才原為一代之用而其
生之也不以貴望而豐其賦不以側陋而高其橐故古先哲辟知其
然也或求之於草野之中或拔之於行伍或擇於降虜敗亡之將或
舉賊或用荒庫士用之者咸遠其宜而見用者亦各展其才旺以
蒙福而治之日隆用此道也以天下之大猶慮其才之或遺競然側
席而思批饋而歎奈何山林草澤懷空不售者比之而英俊沉於下
僚卒不得試其抱負者亦多有之信乎才之難悉得而用之亦難
尽也我國地編人才罕出蓋自昔而患之矣入我相用人之途尤狹
非世胄華望不得通顯仕而宏宏草芥之士則雖有奇才抑鬱而
不之用非科目進身不得踴高位而雖德業茂著終不躋卿相夫

之賦才甬均也而以世胄科目限之宜乎常病其乏才也古今之遠且
久天下之廣未聞有孽出而棄其兵母改遠而不用其才者我國則
不然母賊其改遠者之子孫俱不齒仕路以區之國介於兩虜之間
猶恐才之不為我用或不卜其濟事乃反自塞其路而自歎曰无才
无才何異遠越北隸而不可使聞於陰國矣匹夫匹婦含冤而天為
之感傷矧悲夫瞻女半其國而欲致和氣者亦難矣古之无才多出
於側微使當世用舍之法是范文正無相業而陳確潘良貴不得為
直臣司馬穰苴衛青之將王符之文平不見用於世否天之生也而人
棄之是逆天也逆天而能祈天永命者未之有也為國者其奉天
而行之則景命亦可以延續也

兵論

天下有无兵之國乎曰无有也國无兵則何以禦暴寇也无禦暴之具

則國奚而自立君何以尊自民安能一日奠其枕也曰天下有死兵之國也死兵而猶保數十年之久古今所無而我國是也然則死禦暴之具而猶有千乘之位者抑有術耶其死術也偶然也何謂偶然倭退而偶然不再來奴酋偶然不我侵北虜偶然不擾乎北鄙我得以无所憂玩時而愒日也其死兵者非死兵也兵少而不能用也兵少者軍政之不修也不能用者將率之死其人也誠使嚴君政而擇帥臣上之人又能任信之專則十萬訓練之師可以跳躍乎南北以張撻伐之威矣釋此不為唯為避退之計何也前胡王氏之日軍政家嚴胡士之未衣緋者率隸親軍而宰相之子例受兵職館儒士亦許泛軍內外正軍不問公私賤隸皆係尺籍將領則自兩府大臣以下各有兩統中外大小諸將皆有親隨之兵平居厚其衣食而教鍊之有事則將率相習如臂之使指故百萬之師一朝而辦雖順如蕭遼寧窮如金

山金姬狼如撤禮塔众如毛居敬沙利開先生皆得而擊却之也今
之地比王氏非加備也民众非加勵也懦然每以无兵為恐誠不可曉
也兵非徒胡士宰臣之子館儒士之不隸也典僕及下賤者皆謀落
藉而兵官吏之剝軍以用者髓已竭矣平居厚其養臨亂責其死
或有退北求生者矧虐使而取諸死地其解散也決矣至於擇將必
用善治民者治民其治兵法固不同此不能治民而徒善事左右者乎
故一為將茫然无所措手足不望敵而先潰此皆是嗚呼以將此而禦
此軍謂之无兵可也國之為亡亦偶然也然則何以革此弊也如王氏
制則兵可壯將可擇而國可為國矣雖然將臣聯萬众在外久者鮮不
有招人之誘致上之疑者兵強平鍊飭儲胥嚴号令上下相親而
敵國畏之者一啓人主之疑端則不旋踵而身敗國隨危而亡矣以是觀
之則治兵御將以自強其國者亦准人主而已哉

政論

自古帝王之為政也非獨自為政也必以輔相之臣以助之輔相者得其人則天下國家之事可得而理此甚較著者堯舜禹湯之為君必有皋稷益尹之佐然後可致雍熙之治況挽近世耶後世之君雖有願治者而恒患輔佐之无其人為臣者雖抱負如古人而或患不遇或患其用不終毋怪乎政之不古而治日益卑豈非生民之不幸耶我國雖僻小有君臣焉有民社焉為政者信法三代則其治雍熙之化也奚難哉昔觀英廟之任黃許可知也彼黃許者非佞者也非才臣也特以木訥強毅不面從君違者也當英廟時締構未究國事多可更革而二臣者不勉以王道徒以雅鎮為高是豈能贊襄吁俞如益稷者乎然國賴以維持至于今者皆英廟力而稱二臣為能佐也使如皋陶益稷者輔以為政則其功昭豈如是卑哉噫先

王之改可謂明矣當時輔佐之臣不為不多其脊而相信者文成公
李珣也其任專而責以事者柳成龍也二臣者亦可謂佞者而才臣也
其委任責成之意非不至矣而卒莫之展者非其才不遇也物有
以害者也成龍當恒據曰其竭精志智而或消或滅者時勢之有便
否也其用李舜臣一著乃中與大機而攻成龍者并罪舜臣其害于
國亦不勝繁也珣之困也訟者以為更貢案不便也列邑置額外兵不
當也輸粟受爵不宜也通庶孽不可也更等城堡不合也退兵後相廷
致之講磨求所以抗賊便民者不出此五者何也蓋珣之先見已燭於數
十年之前雖知數者之施在平日為苟簡而思患預防不得不更張故
犯眾忌而敢言之俗士寧於拘見以為據以為不妥然甚慨宜其身之
不容而國之不可為也然今之論力斥珣元遺力而奉行此五者猶不及焉
是大可笑也先王勵精圖理之曰二臣者從容得展其蘊而上遂下奉元

異說則雖不必其回照運而亦可捍外侮矣。噫。者蜂起。卓之必過。亦乃已。倘使臺綱當之。則必指為事二姓者。而俾不得一日安於廊廟。安得雍容雅鎮。如英廟日也。後世之无善治者。乎坐于是也。然則如之何。以可曰。明以察其下。信以任其臣。斯二者。足以盡之。而其終執其斷而已矣。

官論

三代以後。官濫而貧多者。莫唐若也。官濫則權分。而位不尊。貧多則祿費。而事不集。如是而有善治。必无其理。故李氏之不競。敗由於茲。我朝官制法唐。而尤濫。且冗以天下之大。猶有權分祿費之患。矧僻小之邦。耶。愚不敢遠引。以皇明制言之。皇朝兩京所設五府治軍政六部治各務。而宗人寮院大理通政太常太僕光祿鴻臚等卿佐國子監詹事府翰林六科尚書中書等官。分莅其事。錦衣掌提衛。徵道而久。天太醫上林苑五城兵馬隸於禮兵部而已。衙門止是。貧亦不冗。亦是以理天。

下之事也。我則不然。除政府六曹三司待選之外。衙門負數之隘。且冗不可殫言。官宗戚宗人足矣。而有宗親儀賓宗簿等司。掌財賄戶部裕矣。而設濟用尚衣司膳等司。典酒食一光祿優矣。而有內賓內膳禮賓司道司司宰司醢等司。之有刑曹則不必掌隸院有軍資監則不必分豐儲廣興二倉。廟樂為祀而捨太常。別立樂院用特一也。而有典牲司畜二署。甚至典設分二司。醫樂分三處。其他難而複者亦難枚舉。而一司之官一色。俱有二負多則十三四。少不下六七。其諸司各執所見。如膳務膳於內。賓禮賓欲侵於司宰。爭相銜智。互受傳教。詠曹眩於奉行。故事以之而不集焉。其司官不能一揀差。居多為充庸鄙冗才者。仰成於胥吏。卒然問其職掌。則茫然不能對。故位由是而不尊焉。國事之日就於紊。紀慳之日墮於地。權由是分而不能一祿。由是費而不能供。弊然冒趨於衰末者。无非溢官之為崇也。而有議者欲汰冗官。屢汰屢復。卒不克終。

其施是徒見其冗而不知衙門之多為巨患合衙門則其冗自簡去我
之比中國猶一藩集且如湖廣一省受祿者七百餘而我國濫官至千累
千衙門則五倍於中相无怪其權分而祿費也為國家者其以虐
為戒而取法於皇朝則亦庶乎可也

高民論

天下之所可畏者唯民而已民之可畏有甚於水火虎豹在上者方且狎
馴而虐使之抑獨何哉夫可共樂成而拘於所常見者循之然奉法役
於上者恒民也恒民不足畏也屬取之而剥膚椎髓竭其戶人地出以
供无供窮之求愁歎咄嗟咎其上者怨民也怨民不必畏也潛蹤屠
販之中陰畜異心睥睨天地間幸時之有故欲售其願者庶民也夫
高民者大可畏也高民伺國之釁覩事機之可乘奮臂一呼於壘歔
之上則彼怨民者聞聲而集不謀而同唱彼恒民者亦求其所以生

不得不鋤耨棘矜性從之以誅元道也秦之亡也以廢廉而漢氏之
亂亦因黃巾唐之衰而王仙芝黃巢乘之卒以此亡人國而後已是
皆屬民自脊之咎而高民得以乘其隙夫天之立司牧為脊民也
非欲使一人恣睢於上以逞溪壑之慾若彼秦漢以下之禍宜矣非不
幸也今我國不然地陝阨而人少民且皆竊齷齪充奇節俠氣故
年居雖無鉅人雋才出為世用而臨亂亦死有豪民悍卒倡亂首
為國患者其亦幸也雖然今之時與王氏時不同也前胡賊於民有
限而山澤之利共民共之通商而惠工又能量入為出使國有餘儲卒
有大兵大食不加其賦其及季也猶患其三空焉我則不然以區之民
其事神奉上之節共中國等而民之出賦五分則利敝公家饒一分其
餘狼戾於奸私焉且府允餘儲有事則一年或再賦而守宰之憑以
箕歛亦固有紀極故民之愁怨有甚王氏之季上之人恬不知畏以為我

國元豪民也不幸而如甄萱弓商者出奮其白挺則悲怨之民安保
其不生從而蘄梁六合之彫可蹈之湏也為民牧者灼知可畏之形此更
其弦輟則猶可及也

金宗直論

天下有私其利而竊其名者而世以為君子者則人信之吾曰吾未之信
也何以未斯信之耶以為私歟以為竊歟則雖出於道德仁義亦未免
假為況利此名歟既已私其利而竊其名以誣一世自享其榮祿則固
當畢智殫慮求稱其職分之當為可以少補其失乃反曰榮祿非
吾知也愜然徒朱其軒徒毒其級以終其身則其罪不容誅矣金宗
直近世所謂大儒也少晉不肯仕光廟迫令赴氣不得已登第亦出入於
侍從華顯矣乃稱母老而免仕及母以天年終猶仕不止其門人金宏
弼或視其元建白乃曰仕非吾志故不欲也若宗直者真所謂私其利

竊其名偃然徒朱軒赤阪者也當靖亂日宗直非有祿食如彭年
三回輩非素蒙恩如時習也將一鄉谷眇然葺帶之士於田君先可
之義其不肯仕固已爲矣雖僞而已立其志則上從逼之矢死不赴可
也乃若牀禍而黽勉赴之者然既釋褐珥筆記言而扶策伏細繆又以
專城享其母其私其利者矣又欲竊其名号之於人曰吾有吾親吾
終守西山之志既脫母制則受應教之命十年之間躡取大司寇宜若
休矣猶貪戀不去尸位素餐不爲職分之當爲及其門人言之則爲
遁辭以荅之是果可爲君子而罪當誅矣世之至今稱其人不晉何益
竊覲其爲人不過剝捨家學爲父墨以自拔者而其心則黠欲高名
名以聳動一世而惑主聽爲竊利地既售其計則肘其才不足於康
濟故似若可裕爲而不肯者爲藏拙之端其亦巧矣其作義帝文述
酒詩尤爲可笑既仕則是我君而乃詆之不遺餘力其罪尤甚身後

之禍非不幸而抑天怒其黠且巧假手於人以顯戮之耶今個世之人不求其形迹徒崇其名至今推以為大佞故特表而著之

鄭道傳權近論

大凡卿大夫之享人榮利者違其國之革命也非徇義仗節則必為生事仇為其為生事仇者亦有二途也有覘去就之勢賣其君國而後更其計以圖富貴者有怯懦畏其死唯偷生是事忍恥忘怒而苟且以事他姓者雖其罪有淺深而失節則同焉恟而偷生忍而事他人者其心初出於愛身不至於賣其君故天或貸其餘命如魏之鄭冲何曾者是已兩人者卒獲老死於牖下覘其去就從吏而賣其國者其心初在於富貴以利其身故天輒降酷禍以報之晉之謝晦傳亮徐羨之是已三人者終至於被戮而毒其族此古今已然之迹必然之理而不可遁者也道傳近俱王氏之近臣達官也俱入我朝

取美仕而近則善死道傳則誅噫吾於是而益有徵焉道傳早
受知於我太祖大王征討之際則必亲幕畫王非心黃屋而道傳先
發推戴之謀雖天命人心自有收屬雍容以濟大寶道傳之於王
氏則非忠臣也其心固在自利故終也不死於戰身焉至於近則以李
穡故流於外庸獻王召詣行在遂加進用為近者當求去之不暇脚
而愛其生不得不屈身故名位通顯而以考終焉此可為人臣子之戒
也當震之亡道傳若死於忠而近乞還不仕則人之仰之共圍治隱
奚殊計不出此而或陷賣國之誅或貽恟死之誚士夫之處於死生存
亡者可不慎取舍耶向使道傳灼知受戮於佐命之日則必不愛數
年之壽以毀其名也惟其富貴之念昏其智故自負其勇伐方且
勸上以立少之計以固其勢其所以自安乃所以自危也吾於二人尤有

誅於道傳也

厚祿論

記曰忠信重祿所以勸士也旨哉言乎為人上者不為祿厚賜其下則為士者奚所勸而養其廉元冒恥于利態耶是故古之君子仕於王國者祿足而供其求俸入之以芘妻孥不與民爭利不行苞苴而事育之具自裕得以優遊閒佚展布其所蘊俾免伐檀之刺而廉勵恥立風教以之敦古之盛世蓋用此也雖然君子者不必多而利己者隘焉上之所以待我者厚矣我之所以報上者宜如何而拔藏之訓未聞墮金之誚屢騰鞭鞅不已置豈無飾士之所自待者吁亦淺矣易曰觀頤觀其自養也自求口實觀其自養也以溫純為志蹶然從事於庠粟囊帛舍甬靈龜觀我朵頤非所望於君子也古制不可改已厚思為宰孔子與之粟九百孟子為齊卿祿亦十萬齊魯以侯國而其厚祿養廉者如是則三代之盛可知也

漢祿亦重而家優小吏亦頗得之宋則尤留意於養賢俸皆案
給而錢亦案賦優小吏而廉節立矣優外官而輕外之患除矣優
致仕故老而待矣敦回之意篤矣歷代沿革不同而均之為重祿而
勸士也今我則節其祿而責其廉天下先是理矣新羅之祿一品
則一年四百王氏半之蓋以官濫於東京也至我朝濫者三倍而祿
不得不削之三之二而俸則缺矣大夫士困於事有宜其不暇廉也
亂後以月料之及復設祿則又減舊之半而刻其斗數受者不能
支旬朔其奉享之規養生送死之具視平時先損而革衣怒馬
腆食侈而不節十倍於祖宗日不獲已共小民爭利又不得已受
其饋賄而四維不張風教日偷士夫恬不知愧民不畏其上賂而
得爵援罪者比踵此皆不能行勸士之道而然也其亦傷矣然則
何以求之曰省冗官冗費而上平以恭儉則斯可也已

說

文說

客問于余曰當世之稱能古文者必以子為巨擘吾之見其文雖若
浩汗无涯涘而卒用常語文從字順讀之則如開口見咽毋論解不
解者輒无礙滯業古文者果若是乎余曰此其為古也子見虞夏
之典謨商之訓周之三誓武成洪範皆文之至者亦見有鉤章棘句
以險僻爭工者荀子曰僻遠而已矣古者文以通上下之情以戴其道
而傳故明白正大諄切丁寧使聞者曉然知其指意此文之用也當
三代六經聖人之書典夫黃老諸子百家語皆為論甚道故其文
易曉而文自古雅降及後世文與道為二而始有鉤章棘句以險僻
巧語爭其工者此文之厄也非文之至吾雖為不顧為也故僻遠為
主以平之為文焉耳客曰不然子見左氏莊子迂固及近代昌黎柳

州歐陽子蘓長公乎其文何旨用常語乎况子之文不銓古而淄
芥之爲是事毋乃流於餒否余曰之數公之文亦何異於常耶以余
觀之雖若間若陣若深若奔放若倔奇率當世之常語而彫
爲雅真可謂点鉄成金也後之視今文安知不如今之視數公文耶
况淄之芥之正欲爲大而不銓古者亦欲其狎立奚歛爲子詳見之數
公子左氏自爲左氏莊氏自爲莊氏迂固自爲迂固愈宗元脩軾亦
自爲愈宗元脩軾不相蹈襲各成一家僅之所願之學此爲恥向人
屋下加屋蹈窳鉤之誚也客曰子之文既平易流便其所謂法古者
當於何求之余曰當於篇法章法字法求之篇有一意直下
者或鉤連完備者或節之生情者或鋪叙而用冷語法者或委
曲繁瑣而有法者章有升之不系者有錯落而不雜者有若斷
而承前繼後者有極冗極短者有說不了者字有嘗處於處伏

處收拾處疊而不亂處強而不努處引而不費力處用盡處呼喚處字不亮則句不雅章不妄則意不瀆二者備而乃可以成篇余之文只悟此也古之文亦行此也今之所謂解者亦未必覩此况不解者召客曰善吾不及是夫

任老人養生說

江陵尉太和縣有任世漬者百十有三歲而兒如十五許視聽不衰癸卯年余見之拜跪如少者問之曰少隸甲士嘉靖辛亥年滿落籍居于此矣余曰叟有異術乎何康壯若是耶叟曰野人安得術乎服藥否曰不曾也余怪之曰世固有不修養而得上壽者乎吾少日多病早瘦若少飽則必痞因日食五合陳米不食肥膩生冷物積十餘年病稍減甲子而婦逝以二子長長以養不畜媵分田產於二子令輪日饋而冬夏迎供裘褐擇深室不見風者處焉吾二子能養

不嗔怒不煎念舊為死事靜坐飢而食困而睡者于今六十餘
年家在谷中日採木黃精餌之久則眼漸明耳漸聰齒落者
漸生脚力漸健二子死有孫五人修其養不替故吾得不動吾真
而已吾豈有他術也余曰吾聞之叟之言而得養生之術焉為仙者
必得精此氣此神也叟之不娶保精也擇食不飽保氣也不嗔怒
營為保神也三者既具宜其壽之多也況不動吾真而只飢飡倦
睡乃靜定第一關而求黃精赤藥之上者叟能行之能服之其昇
仙遐邇也何遠哉世之陰丹欲長生者必稱乩坤鼎咒坎禹夫婦
龍虎鉛汞進火退符口誦茶同悟真自謂真仙可致而躁求貪
利忿恚之心交戰於中畢竟死一成者其視叟則顛寧不泚耶
吾師乎叟哉吾師乎叟哉

詩辨

今之詩者高則漢魏六相次則開天去歷寧下者乃稱蘓陳咸
自謂可奪其位也斯妄也已是不過掇拾其語意蹈襲剽盜以
自銜者烏足語詩道也哉三百篇自為三百篇漢自漢魏晉六
相自為魏晉六相唐自唐蘓與陳亦自為蘓與陳豈相倣倣而
出一律耶蓋各自成一派而後方可謂至矣間或有擬作亦試為
之以備一體非恒然也其於人脚跟下為生活者非意匠求也然則詩
何如而可造極耶曰先趣立意次格令語句法字圓音亮節緊
而取材以律之不犯正位不着色相叩之鏗如即之絢如折之而
闕深高之而騰踔闊而雅健闢而豪縱放之而淋漓鼓舞用鉄
如金化腐為鮮平澹不流於淺俗奇古不陷於怪癖詠象不泥
於物類鋪叙不病於辭律綺麗不傷理論說不粘皮比與深者

通物理用事工者如已出格見於篇成渾然不可鐫氣出於言外
浩然不可屈盡是而出之則可謂之詩也彼漢魏以下諸公皆悟
此而力守者也不然則雖漢魏步六朝眼而唐言動御蘇陳
以馳足自形其穢而已吁其非矣

高貞
讀

余在扶寧先事適得諸子全書慣讀之因疏所得題于各子之後非
敢自是鄙見也聊以形吾穢耳

老子

老子分章未知出自何人其意本不斷而有強斷處殊為純樸但當
全讀之乃可通也世謂老子可入六經至其論大道處玄妙淵微有不
可測度者易中庸所不道而乃拈出言之此老子自離而去之不欲與六
經齒噫其神歟後世其徒搏神其學流而為脩煉服食符籙齋醮

等法怪誕不經而惑世誣人多矣豈是單者並豈老子茲豈清淨本
意乎其文則經而其義則傳至於論道則直破天竅吾不得而模擬
之其猶龍乎

列子

列子天瑞黃帝兩篇其論道處理極玄微盡言之而不隱可此
道德南華相表裡文亦古奧矣其後則文漸散亂弛放論道理
亦多舛謬似不出一人手宜劉中星之致疑也今之所得八篇似亦
是曲午氏東渡後難出於諸家者而非中星所校訾也莊子屢引
列禦寇氏則其人其意固皆可貴今不覩其全可勝慨哉余謂
首篇二乃列子之舊而其餘則漢人或魏晉時人所補也歟

莊子

余少時讀莊子書不知其義但尋文摘章為挾藻法中歲更

讀則俶倘恍惚若不可測度固已喜其寓言而一死生齊得長為可貴也今更看之其恬淡寂寞清靜死為黔其佛子相合特其謬悠荒唐之辭不共為正語故淺讀之莫可見端涯也其中顏子坐忘一節儒家力詆之禮曰坐如齋立如尸而顏子終日如愚此坐忘奚殊茲亦謾衍其辭非妄也已其曰詆周孔者亦非也老聃其師而假秦失之吊以詆之此老聃弄淑詭之故態非真詆也於天下篇首言儒家其尊周孔可知矣

管子

管子書龐雜重複似不出一人手其心術內業等篇皆附會道家而宙合諸篇皆用隱語俶譎詭怪以伸責備之術安得有此謬悠語耶使果出其手不過故為權辭以飾之耳仲之情見於其書者獨牧民大匡輕重等篇而牧民尤為簡明其論兵陣之制農桑

諸利之原鑒之中其隆宜其施之事而概有宰效終至於富國
強兵取威定霸而尊其主為五伯首也噫世已末矣王道卒不
可行則安得如管子者為政而治其民耶

晏子

晏子古所謂法家而以管晏並稱之今其書只載其事齊之蹟
而文特古雅非如管子詳言其立政治民之要也晏子特不污其身
俯仰以取容於世者其不孔於崔慶亦幸矣使留小白之曰其功
烈必不及仲而並稱之何哉

商子

商鞅初說秦以王以霸而孝公不省以富國強兵則席為前而
聽之不俟鞅之學本非王伯也特優於富強也初以王伯者乃歸其
言而終獲其所優以中秦矣其書文其勁悍亦先秦華而疑

多附會者其開塞篇所言賞是於告姦者是平生受用地而卒
以此殺身天道之好還宜矣後世君子動輒稱王道鄙夷管商而考
其功效則反不逮焉噫安得商子而用之富國強兵以禦暴鄰

韓非子

先秦諸子之文除老莊外或龐雜或晦澁或決裂獨韓非之文
典麗明極善於連類比事且切於事情以文事論之則誠大家也其
說雖以奸篇尤好試看其開闔其抑揚其馳頓折旋處點啓後文
為文者究領微結之端古文初質至是而有譏謀矣其論術則緊
出於申嚴刻過之矣

墨子

墨子之學其道大蔽有類於禹故亞稱禹之道猶計行治農而自稱為
神農之言者也其始皆本於聖人其末流之弊遂至於此孟子之所以排

也其與佼並稱者特以本仁義尊矣尚德有相近者此似是而非易以惑人也韓愈氏以為孔子必用墨子者何哉其文雖古而間亦駁襍不倫抑有後人附會耶

荀子

荀卿斥老聃為知詘仲斥莊周為蔽於天而不知人其說甚是又能知尊王而賤伯知尊孔氏而然異端孟子後一人也特以天資元而闇妄以知道自處欲廢曾思孟子而直續夫子之傳故立言垂訓務異於諸佼孟子曰人性善而卿曰人性惡也欲以勝之而卒不可勝使卿循然守思軻之傳不務為高論異辯則小疵之斥揮不精語不詳之誚奚自而至耶惟其元而闇自用而自私故一傳而為李斯韓非也惜哉

楊子

荀卿自大其學自私其智而欲勝於諸子楊雄自賤其學自卑其智而欲

合於聖人故二氏俱斥於智者其為不知道者均矣雄著法言準論語著
太玄準易以為己之學不及聖人已之智不通諸子不可別立言為經也故著二
書以合於聖其志陋矣其為艱深之詞者所以文淺易之說而愈艱愈矣
愈濶愈淺愈達愈礙不得掩其拙使雄不為是只以賦鳴世則人不厭出
處矣乃反竭心盡力求合於伎術而終不免莽大夫之斥有以也夫然雄
之過在陋而卿之失在不自量寧陋而不濶也已

子華子

世所稱子華即夫子傾蓋而語者其人必知道也今其書衡製委瑱悉
鳴集荀孟國語老莊素問韓非楚辭等書殆似百家衣其出於漢
諸校也元疑已子華之知道豈如是乎其終篇所言雖不明道源而意
自好文亦騰蹕其曰人壽幾何而期有以待也蓋當世列國雲擾戰爭
方作悲士之不得其時者此則子華之文而秦火失傳後人藉此一篇

而廣任以傳之也歟

孫子

春秋以來言兵事者孫武一人而已後世善用兵者莫能出其度內雖非王者師而噫亦奇哉其文有完領闢闔處節、生情先秦諸子文偉非此孫武最是在家至其間切明標則非、所及也

吳子

高氏言孫子二字奇吳子字正然則武不及起乎彼特見起之書有尚禮義明教訓而謀用司馬法故疑之為止起之師也其用兵權略皆本之武而時別出機抑自掩其迹均之為戰必勝而武之計深矣其之間切亦似武而少避之矣

呂子

呂子春秋亦呂子古之談理談事皆稱春秋故晏子亦稱春秋以

稱呂子者亦猶是也不韋之為是書非自述也乃聚天下後辨士採
其言而集錄之故其文不雅馴或有桎止處或有桎馱處要之不
韋不能去就之俱存而傳世者也其八覽文家古雅後之為文事者
或稱曰呂覽也

淮南子

劉安好賓客虛館以待奇士如大山公之流皆雋偉瓌說辨
足以達天人文足以總百家故共為此書蓋雜出於儒道名法諸家
天時地理緯數脈煉之說博採錄貫廣大和衍可謂備矣而其言
舛駁不倫亦以其成於衆手如呂子也漢史言安以叛誅而仙傳以為
升仙豈八公之流惑世之言耶伯陽亦同亦言其仙去則史家或諱
其事耶不可辨也其文後雜奇杰而推測物理探索陰陽處亦有
大過人者西京子家其最雄者歟

文仲子

王通書出於六朝之下故其文委靡其讀古詩元經中論準詩春秋論語而作所論皆出於王道古人有比以六籍之奴隸奴隸誠賤矣苟得爲聖人奴隸則亦得以窺聖人門牆也其庶離徑叛道而陷於不自量者相去懸矣

銘

覺軒銘

人之有性覺則不昏其未覺者物慾交昏如鏡之塵去則塵覺後性圓如大明鏡外杜妄邪内存清明清耶明耶由敬由誠此覺非仙此覺非佛亦非聖人唯心對越

陋室銘

房潤十笏南開二戶午日來烘既明之煦窗雖立壁書則四鄰

餘一犢鼻唯文君位酌茶半甌燒香一炷偃仰相連扎坤今古人
謂陋室陋不可處我則視之清靜玉府心安身便孰謂之陋者
所陋者身名並朽廬也偏蓬潛亦環堵君子居之何陋之有

硯銘

滄之九津流入巨瀉中產異石外殷裡青潤為龍尾加以龍硯鳳
味璀璨雖眼晶瑩以磨以濡先或暫停孰編帝紀孰注此經我
作我文惟乞有靈相隨不捨以了餘齡

犀帶金帶銘

汨其文白其理色象中黃茱表裡宜有佩之容兮悸兮
萬釘花胯百鍊精鏤聖人賜束以立朝

靴銘

波紋濤儼色淳君子所履順以貞矩步高趨唯角直拜

歲

煉念歲

心之本体湛然常情方其不動水澄鑒明至虛至灵至神至精
一氣胡元无臭无挥擇存无染念忽以生種之顛倒若狂若驚悲
離喜怒窮達枯榮以忘誣妄百般交爭當其時也心昏若盲作業
作殃由惡趣行彼至人者深識禍萌待念如寇怖念如兵藏念如寶
守念如城勤之保念勿從而橫其煉伊何靜定一誠煉之又煉无為以
貞煉之則聖不煉則旺唯此至道就始強名帝軒轅氏聞之廣成如
此煉之可胡玉京

睡歲

吁惶之翁宜睡眠勿睡心睡眠則可以招心睡心則陰魄來侵魄侵陽
剥体化為陰其與鬼相尋吁可畏惶翁

賞

灘隱畫竹贊題洛迦禪寺

青翠竹盡是真如此語吾聞之黃面老子謂是竹幻墨耶謂是墨幻竹耶幻花已滅何用幻為天空海闊日出雲收其影脩其舞颺殿中虛竹師可往玩彼與可惠崇之妙技八心不能抄忽師乎此卷可付茶毗

李画佛祖贊

余在遠山乞石峰倣歐卒更書以金字寫般若心經為帖目今李楨繪三佛一菩薩二祖二居士像係之于後遂成兩絕余以贊辭附之名曰禪門法寶云

流泉漱玉出花吐紅彼回法者伊女暨童具多初備旃檀已滅清此無情二俱佛成釋迦佛

唯迦梨國地涌青蓮擎二玉童為人為天本非因緣非自然性我问彌陀彌陀入定 阿彌陀佛

過去窈冥見在惡濁唯有未來可證圓覺翻然善財何居于前忘法问法海月流天 彌勒佛

瓔珞花鬘于海之中龍宮水府奚往不通手大摩尼躍于瀕瀕彼寶藏主神亦在自 現世音菩薩

亭々双林照玉毫光楞伽在案牙軸漂湘傳法在心傳心在物汝自揣著一衣一鉢 初祖達磨

羅浮拔地庾嶺隱天孰與余蹤闕師之傳須彌可移衣鉢難動不動者心芥子亦重 六祖盧能

一丈室內寶座諸天居士之疾醫人之痊伊誰來文殊師利無有言語法問不二 維摩詰居士

拋水晶珠結跏趺坐彼居士者嗒焉將化提竹鹿雄放下何嫌試看白
日在我指尖 虎居士

列仙贊

弇州王元美所輯列仙傳余得見其真本其模寫鈐刻之工極其
精妙真希之代玩也余既卒業倩工揀其尤異者移于絹素以彩
帨之係以賞餅以釋怀念之念云

先天无極大道无為玄默純精萬法之師閱五千文於昭至德隱顯彰
化猶龍莫測 老子

天墮絳霄地涌金蓮佇睇紫氣來抱函開白輿青牛遲々西邁授五千
言帝懸方解 尹喜

煉魄飛神隱見先諱我得其道義農之間匪師孟草匪授函缺先授常
在萬法歸一 王倪

竊之真々至道之精托神正形昏默靜清子之謂天長生亦顏夢時華
昏人間何世 廣成子

昭哉金母調氣承天女兮求道資以昇仙華林媚蘭玄金翠水穆滿矣
為劉徹徒命 西王母

霜袍燁々矜駕徘徊孰領真籍來御玲金三天寫想五胎焉治授以道
要靈飛十二 上元夫人

騎七聖君稟精斗官服氣煉神垂雲駕空澤布屏風香爐金闕萬古仙
山碧潭秋月 匡裕

逍遙匪游物論匪齊位人間世无始無倪薪火相傳混沌七張全闡徧紀
善其迹逾莫 莊周

炎木作羊賣之都市驕而入蜀緩山之趾峨嶠希雲玉墨蒸霞彼姝相
隨同駕芝車 葛由

能鼓舜琴而行徑術巢野涿河我園而室導旌引軒龍子龍孫駕彼雙
鯨入無窮門 琴高子

行八百里住八百年号曰八百孰知其仙塵市若閑山林若閑隱現無
方道体自妙 李八百

服后服丹行氣絕慾嗜好戰心盡閉吾目時勸開睫時懾電光妙道已
成出賞九皇 涉正

袖巾如棗旆行海隅羸政骨臙至道奚語玉帛金書留報人間蟠桃結
子訪我蓬山 安期

猗大茅君金母之徒太極玄真為有為無金幢羽節翩霞氣彼二地
仙徒勞延野 茅君

三偷玉桃謫隱金門孰是公卿孰為至尊凌厲千古傲倪四海浩蕩乘
雲攜往何在 東方朔

彼倖洒々彼龜肩々縮頸伸頸纔三千年漢徹胎濁徒封岱秦輦行奚
榮跳身域外 黃安

星降北魁馬生異人正法攝魔至道成真盟威却功傳至華萬紫興黑
龍高昇閭苑 張真人

天雷地竇游戲自在括蒼崑崙來往烏闕麻姑非俗蔡子非真但指歸
期蓬海揚塵 麻姑

甬牧我羊金華之顛不見汝伯于今十年駢然白石其角戢々塵夢
醒寒天便入 黃初平

携我玉卮引我靈旆招々丹子日暮吳江我目凌波孰停其柁居彼石
龕享彼椒荔 曹仙媼

若君龍出恢疇識妙質仰而觀之青天白日翩然霞氣治水蓬萊濯足盡
嶠晞髮丹臺 陶和景

峨岷橫雲太白臨秋子有仙才非謫乃游蒼蜺蛻錦袍盤鶴萬里陰
波一天明月李白

道齊天地明並日月度今在生方昇絳闕隱現靡方彫化元端秋空鶴
透露浴金丹呂純陽

惟海蟾翁正陽是師還丹演教累卯示危白鶴沖空絳霞方臧雖毀訖
坤自有日月劉海瞻

修性修命聚氣散形我拈瓊花孰測其靈舍利真篇留表神化噫非真
人萬古長夜張紫陽

大雷浪書太乙金丹疇將秘術來授金丹手裡鉄鞭脚底金芒入海駟
龍風嘯雨吸陳楠

昨鵲非銀擲煉為橋隄以登雲朝翔紫霄臨海千重蓬山萬里一輪明
月下照秋水武志士

誰遺雷火焚我兼祠帝授玉斧三載相追償丹以錢石欺于暗奉行法
旨奚有前憾 薩守堅

珠庭玉瑤構霞浮天際黃河萬古東流我託我衣以為成脰下天
風袖裡明月 呂道章

雜文

對詰者

頤而弁者有詰於吾君有文章官工大夫峨冠博帶侍于清都後者
雲擁呵于通衢宜其所交卿相為徒偕其追迺叶其訐謔躡取權柄
以豐其廚胡為胡羅閉光如愚元顯者來畸人與俱有黛其面有赤其
須赤者詆鰲舌者提壺有一短漢其鼻如狐有眼其眇有睫其朱自烘
其堂歌呼鳴々彼困萬家用以自娛嫉者如林羣士背趨宜其于身阮
于阮塗蓋捨此輩往歸要途余曰否々子言之迂吾性鄙拙疎而此齋

先機無巧不諂不諛有一不協不忍須臾談及言人口即嚙嚙足踞權門其
跟牽痛軒裳拱揖如柱在軀將此情密去謁公孤見者輒憎欲斷其
顛不得已爲思遠江湖爲貧爲祿欲退次且唯三人不爲俗拘喜我
伎倆或愛元郭未醉我酒相招相呼有唱斯和篇明珠火齊木難
玫瑰珊瑚自實我實非待甚沽風頌爲伍今騷僕奴訛爲大業隘視
宸區謂仕女詭範我以驅從天所賦以至桑榆勢交利交有時必偷
此交不沮石耶金乎當其得意欣愉不知有我忘寢及鋪而況軒
韶視若有無彼富貴者紫拖青行長裾佩玉只悅婦姑此況真者唯
樂是蓄不耽辭色不怵出嚴誅曰陶曰謝曰李旦稔唯冀其齊莫邱
榮托衆嗜爲惡衆尊爲汚人曰病風我喜呼盧宜其我身每陷重辜
如絕斯交身寧似鉄世情凶歛世路崎嶇分折毫末利害鉗銖我之
齟齬難以成事子言雖是不察其駕雖其愛人非以德夫詰者曰唯

我誠模糊聞子之論若見大聖子文則善子言非誣吾失吾言真小人儒言訖而退其去于々

山狗偈

有契之累々初從何方來又向何方去何所求所親契請對以臆
吾誣先生忍吾前生為人嗜利喜權寵陷人以刑禍饕餮積貨
財以此獲陰譴墮大阿鼻獄受苦無量劫今纔得狗身我懺悔前
非而發大誓願不肉不在家拜佛及菩薩默念阿彌陀目入聖居山
遨游於四方金剛洛迦寺五臺太白山頭流天王峰侶俎與妙香所
遇輒希禪所居必念佛願於一彈指洗我千仞罪令我復人身稽
首于三寶歸衣真宝義超入如來地言訖跪于庭拜耳若訴愆我
覩其項牌歷々諸山名問僧信不肉僧對以信然吾聞釋迦言狗
有佛性此言誠不誣人而不如狗

哀辭

李實之哀辭

嗟、文運方厄于今惟數三儕幟于詞林君氣以豪奮聳而起藩
厚而澤宜茲之駛滔、文灑注瀆而東瀾滄漲不害其洪詩心
翩、腴而能悍螭蚓難陳不妨其湯鼓躁而出誰信其論湖蕪以下
舌無全人惟權惟李惟許是獎或枯或滯或飲俱當、其吐辭四
座慙然其價之卑亦生是焉世不恰才君不少貶益高其談憎者旁
睨水部不可宗正亦麾竟然之野吁命止斯嗚乎哀哉曩宿真珠
凝碧之榭君携李楨飄然來過拉掌今古雄黃百家謂死甚傑生也
足嗟倏然形聞猶耳其諦冷、風惟為之一涕嗚乎哀哉當君用世論
者謂齊及其絀也皆肖而馳不唯肖之而又下石其附會者反赤其鴟
人為君怒我為君寃魂若有知必領斯言嗚乎哀哉茶園沉冥玄亭寂寞

富貴而朽非君所樂無涯之智結為大年炳煥千古日月常鮮莫悲其
屈莫悲其短嗚呼噫噫夫亦何惋

李楨哀辭

嗚呼懶翁兮何其短不朽者存兮余其奚歎嗣宗之放兮子敬
之誕井丹之潔兮長康之痴抱此嬌節兮去而何之余不諧俗兮為世
之畸子獨與我同調兮早締交而莫逆服紛々衆罵而羣訶兮哀
余行之安適獨携子以歸來兮思目放於山之中塵落々而緇素兮
蘭芷悴兮秋風悲年歲之將晏兮期速駕而徂東孰云玉樓之催
召兮曾莫戀夫人窈窕馳馭之難挽兮香五雲於蓬山聽玉蕭之
儒渺兮沒余涕兮闐干悲此身之孰倚依兮痛知音之已隔桂樹
兮寒岩秋花兮幽石誰同畝兮逍遙吊孤影兮憫惻淫潭淨兮皎
潔月圓々於舒光恍然觀子之風神兮聆高咏其五章嗚呼千秋

萬歲兮何終極懷伊人兮不可忘

祭韓石峰文

精孕松嶽結為異才公也應生蔚作倫魁鉅筆如椽臨池墨遂貢
司馬名振王國小楷猗挾大字龍纏石軍吳興千載拍肩太倉擊節
賞以奔驥王寵其能畀之以位屢輟黃封橘柚嘉魚綺輶綬綬掄
此俱恩眷便蕃一世無兩躋郎冰曹二邑之長晚通詩學陶柳門庭
夷曠冲粹咏之清冷惟我仲氏交公莫逆仍辱綰帶即為鐘伯我
家輦下公客于京頗數其送恨俗務嬰一麾遠山果踐宿諾邀公以
館冲天之閣以觴以詠月檻風根為我金書般若心經法道勢勁褚
歐失色諧唱淋漓樂人間極月再環恒公以久辭拜將于郊九秋以
期曾未幾時忽承急問初愕以疑渾先言實天其不吊奪我良人
仁者不壽孰詰于神杜席未埃玉樓俄迫痛念仙遊肝髓寸磔英

靈未沫肯化灰塵蕩為溟滓月星麗曼寂寥芳榭淒清空宇如
覩其容如聞其語名之不朽死亦奚悲其生存者謾自嗟咨職守所
拘阻餒蒿里遠致菲奠冀聆吾誄

祭松雲老師正公文


余師有言無生無死今其死者真耶妄耳無死孰死先生孰生四大
亦妄孰出孰明如摩尼萬古无毀一点靈明秋月在水了大公案斷
大因緣一剎那頃超西方天以無言文吊無死者死歟生歟虛空打破
行狀


亡妻淑夫人金氏行狀

夫人姓金氏上洛大姓也前朝大相方慶之玄孫楊若齋九客有盛名
於唐李官至三司左使其四代孫胤宗武貳官節度而其子震紀
庚子同馬筮仕別提寔生諱大涉亦同馬筮而筮仕補事監觀

察使青松沈公銓之女夫人即其第二也生隆慶辛未年十五歸
吾家性謹愿樸而允饒勤於織任組紃允少怠言若不出口事母
大夫人甚恭晨夕必親省食必嘗進遇節則饋時食甚豐待婢僕
嚴而恕同輩以惡語母大夫人稱之曰我矣婦也余方少時好押遊
先帝微見於顏面若或少微則輒曰君子處已當嚴古人有不入酒
肆茶房者况甚於此乎余聞而心愧少戢焉帝勸余勤學曰
丈夫生世取科第躋膺仕可以為親榮而私於已者亦多君家貧姑
且老勿恃才而悠泛度日光陰迅速後悔曷追乎及壬辰避賊之日
方娠困頓至端川七月初七日生子越二日賊猝至巡邏使李漢退守
磨天嶺余侍母挈子君達夜踰嶺至臨湍驛氣乏不能語時同姓
人許珩邀避俱避海島不得留強至山城院民朴論億家初十日夕
命絕以牛買棺裂衣以歛肌肉尚溫不忍埋俄聞賊攻城津倉初事

王命權厝後岡享年二十二而同住凡八年嗚乎痛哉其子以無乳夭
初生一女長適進士李士星生子女各一己酉余陞堂上拜刑曹忝以例遷
封淑夫人噫以君之淑行年不克中壽且絕其嗣天道亦難諶矣方其
窮時對君挑檠蒨之夜文展書讀之稍倦則君必戲曰毋怠慢遲我
夫人帖也豈知十八年之後只以一張空詔薦之於靈座而享其榮者非
吾結髮之述君若有知亦必嗟悼嗚乎哀夫乙未秋返自吉州又瘞於
江陵外舍庚子三月從先夫人承窆於原州西面蘆藪其廬則在先
壙之左寅坐而申向也謹誌





303

蛟

山

集

五
四

